



滇  
繫

ル 5  
3254  
5





九 5  
3254  
5

滇繫書目

賦產一冊全

民賦

屯賦

雜賦

鹽課

廠課

稅課

趙州師 範荔屏纂輯

滇繫書目

賦產目錄

九 5  
3254  
5



附倉儲 錢法

常產

異產

叢說一百三十二條

陳用賓陳言開採疏

嚴煨重銅運以杜弊累疏

錢法論

倉儲論

滇繫

賦產繫

趙州師 範荔扉纂輯

正賦

原額田地七萬二千九百八十八頃三十餘畝。新增墾復及清丈額外田地一萬四千四百八十頃七十八畝七分。又新增四川貴州撥歸田地一百四十七頃五十七畝又自首抵補軍丁田地一百五十一頃二十九畝五分零。實在成熟民沐田地七萬九千七百三十二頃七十三畝零。實徵夏稅本折麥三萬一千五百九十六石四斗三升二合一

滇繫 四之一

賦產



勺零。實徵夷地免丈照納夏稅麥三百三十石七斗七升八合八勺零。實徵抵補軍丁夏稅麥折米三十六石三斗一升八合零照每年折徵之例每石折銀八錢共折徵銀二十九兩五分零。實徵夏稅本色收八百五十九石四斗七升五合八勺零。實徵地畝折銀二千一百二十五兩一錢九分六釐零。外除永善縣西媽基等處割歸四川屏山縣應徵銀一十二兩三錢八分。實徵新增夷地二十五段照納夏稅折色六錢麥二十八石二斗折徵銀一十六兩九錢二分。實徵新增貴州威甯州撥歸宣威州本色無耗收一百八石四斗三升三合三勺六抄

折該米五十四石二斗一升六合六勺八抄。實徵秋糧本

折米一十一萬八千三百二十二石三斗二升三合零外除永善

縣西媽基等處割歸四川屏山縣應徵米七石五斗五合。實徵抵補軍丁秋糧米三百

一十九石三斗五升一合零照每年折徵之例每石折銀八

錢共折徵銀二百五十五兩四錢八分一釐零。實徵元江

臨安宣威鎮雄秋糧無耗米八千一百五十六石三斗一升

五合零。實徵師宗縣秋糧無耗折色銀五錢米二十四石

八斗。實徵新增夷田一十六段照納秋糧折色七錢米三

十一石七斗七升折徵銀二十二兩二錢三分九釐。實徵



本色籽粒米一十一石一斗二升三合四勺零。實徵新增  
貴州威甯州撥歸秋糧本色無耗米五百七十七石八斗七  
升五合三勺零。實徵新增四川屏山縣割歸丁條糧銀二  
百四十七兩九錢六釐零。實徵條編銀一十萬二千四百  
一十三兩五錢七釐零。實徵抵補軍丁條編銀二百九十  
三兩五錢五分九釐零。實徵新增麗江府夷丁二千三百  
十九兩一錢二分六釐。實徵新增麗江府夷丁二千三百  
四十四丁每丁編銀六分六釐該徵銀一百五十四兩七錢  
四釐。實徵新增威遠三圈蠻令等村年納人丁銀三十二

兩。實徵新增貴州威甯州撥歸宣威州民戶人丁一百七  
十四丁每丁編銀二錢該銀三十四兩八錢

以上係民賦

原額田地一萬三千八百六十頃五十三畝三分零。新增  
懇復及額外田地一千八百四十九頃一十五畝三分零又  
自首抵補軍丁田地三百六十七頃三十二畝三分零。實  
在成熟屯田地八千六百五十七頃二十一畝零。實徵夏  
稅本折麥六千三百五十二石九斗七升五合七勺零。實  
徵夏稅折色麥四千五百一十二石六斗八升六合二勺零



各折不等共折徵銀一千六百三十二兩七錢四分五釐零  
實徵本色菽一百五石一斗八升一合三勺零。實徵折色  
菽一千六百一十石八斗三升三合八勺零各折不等共折  
徵銀三百八十九兩五錢三分四釐零。實徵本色豆五十  
五石三斗三升四合八勺零。實徵地租銀九十八兩八錢  
一分九釐零。實徵抵補軍丁夏稅麥折米七十一石七斗  
三升六合六勺零照每年折徵之例每石折銀八錢共折徵  
銀五十七兩三錢八分九釐零。實徵秋糧本折米四萬九  
千二百八十二石一斗四升一合三勺零。實徵秋糧折色

米六千八百五十六石九斗七升一合七勺零各折不等共  
折徵銀一千九百八十三兩三錢一分七釐零。實徵秋糧  
本色穀一千四百七十六石二斗三升一合五勺零。實徵  
秋糧折色穀三百八十五石七斗三升二合各折不等共折  
徵銀七十六兩五錢五分四釐零。實徵抵補軍丁秋糧米  
一千四百八十八石八斗四合六勺零照每年折徵之例每  
石折銀八錢共折徵銀一千一百九十一兩四分三釐零。  
實徵條編銀三萬五千六百六十三兩八錢二分六釐零。  
實徵抵補軍丁條編銀一千四十二兩五錢六分六釐零。



實徵軍舍丁銀一萬二千二百九十八兩一錢九分四釐零  
以上係屯賦

實徵觀場田租銀一百五十七兩三錢三分二釐零。實徵  
差發各項銀五千六百九十二兩六錢五分九釐。實徵蒙  
自趙州楚雄蒙化礦錫鐵課石礦共銀三百九十二兩八錢  
五分。遇閏加銀一十五兩。實徵魚課魚鈔銀一千七百六  
十四兩六錢五分七釐零。遇閏加銀六十三兩五錢六分一  
釐五毫八絲又劍川州魚課春夏  
遇閏加銀一十三兩二錢四分秋冬  
遇閏加銀一十六兩五錢五分。實徵永北廳魚課米三  
十五石五斗每石折銀五錢折徵銀一十七兩七錢五分。

實徵石屏甯州武定學租銀六十九兩五錢二分一釐。實  
徵田房地租籽粒丁苴館客站赤銀八百一十六兩八錢二  
釐。實徵軍餉均徑水利納租充餉籽粒稻谷麥課丁差水  
夫鋪陳山租灰窰街稅田房地租夷民人戶派納等項共銀  
七百二十五兩九錢九分九釐零。遇閏加銀四分五釐。實徵驛站  
充餉站民認辦共銀一千四百二十二兩二錢八分一釐零  
。實徵蒙化廣通嶧峩酒課商稅銀四十二兩二錢六分八  
釐。遇閏加銀三  
兩二錢一分。實徵元江開化臨安大姚花斑竹田錢地  
講浪媽地租戶口食鹽共銀五千五百四十八兩一錢八分



四釐零。實徵廣南景東差發無耗折色七錢米九百八十石九斗一升七合。實徵姚州海湖無耗折色四錢租穀三百八十四石六合。實徵祿勸縣無耗折色二錢一分穀五百六十一石六斗五升七合三勺零。實徵祿勸縣無耗租穀一十一石二斗九升。實徵尋甸州四十八哨無耗菽一百六十一石五斗實徵羅平元謀武定無耗租穀二千一百一十二石四斗九升。實徵景東大姚抵補軍丁秋糧折徵差發共銀二百一十二兩三錢八分。實徵天成等各甸寨土司折色地畝銀二百八十二兩四錢二分九釐零。實徵

中甸維西應納青稞貢賦差發除給各喇嘛寺僧營官口糧衣單外實徵青稞秋糧大小麥菽雜糧一千九百八十六石五斗八升五合九勺零。實徵中甸維西貢賦差發稅課雜糧折共銀一千六百一十五兩二錢二釐。實徵東川府各衙門并祿氏養贍歸公田一百四十三頃五十畝零該無耗租米二千三百四十石一斗七合零。實徵廣南府撫幼嚴氏參革土知州沈肇乾輸納無耗米一千八百一十石七斗六升一合一勺零。實徵建水縣猛弄寨長白氏所屬寨民年納戶口款銀四十四兩。實徵建水縣猛弄寨長白氏秋



糧米一十石。實徵蒙自縣魚課銀二兩

原額馬廠草場學租窰場牙稅田地租銀二千五十四兩七

錢五分五釐零。內尚有荒蕪無徵銀於墾復科徵之年歸入實徵數內新增墾復馬

場地租銀八十一兩三錢五分零。內成熟馬場地租銀已年報墾地租銀兩俟限滿科徵之年歸入實徵數內實徵秋糧本色米七石六斗二

升五合。實徵地租馬場草場窰場等銀三百三十六兩二

錢五分六釐零。實徵門攤等銀三十七兩四錢七分。

以上係雜賦

通共額徵銀二十萬九千五百八十二兩一錢四分二釐零

起運布政司銀錢一十六萬九千一百二十三兩二錢六分

四釐零存留俸食銀四萬四百五十八兩八錢七分八釐

敷銀兩赴司支領通共額徵麥米穀菽豆青稞雜糧二十二萬七千

六百二十六石二斗六升七合一勺零放給廩生貧士租穀

八十石餘聽糧儲道撥兵糧年底報銷

鹽課現係竈戶自備薪土鹽出由井收課任烟戶運銷不分口岸民甚便之治地錄舊章知非創始者之不善也

黑井白井琅井雲龍井安甯井阿陋井景東井彌沙井口舊

草溪井按版井抱母井麗江井磨黑井猛野井烏得井共一

十五井

賦產



額煎鹽共二千七百二十八萬七千四百三十六觔徵正課  
共銀二十七萬八千三十九兩七分正額盈餘共銀二萬二  
千六百七十五兩一錢六分五釐額外盈餘共銀二萬五千  
六十一兩七錢六釐

黑井產井五區

大井 東井 復隆井 以上係舊井

新井 尾井附雍正二年新開 沙滷井 雍正八年新開 以上五井坐落

六十里

行鹽

統運會城總店聽嵩明晉甯昆陽呈貢宜良南甯霑益馬龍  
陸涼羅平尋甸平彝河陽路南江川廣西彌勒師宗廣南會  
澤宣威等府州縣小販民人齊持現  
價赴店買運行銷各地方官無考成

白井產井五區

觀音小石井 舊井 喬井 界井 灰尾井 坐落楚雄府屬姚州地方

距省五百七十里

行鹽二十一府州縣

太和縣 歲行鹽六萬觔 雲南縣 歲行鹽四萬觔 趙州 歲行鹽六萬觔 賓川州

歲行鹽四萬觔 永北廳 歲行鹽三萬觔 楚雄縣 歲行鹽三萬觔 鎮南州 歲行鹽一萬觔

十八萬觔 南安州 歲行鹽一萬八千觔 定遠縣 歲行鹽三千觔 廣通縣 歲行鹽二萬觔



十萬五 姚州 歲行鹽三十 大姚縣 歲行鹽三十六 鶴慶州 歲行  
 千 勛 五萬五千 勛 萬九千四 勛 行  
 鹽四十 蒙化廳 歲行鹽四十六萬一 武定州 歲行鹽三 祿勸  
 八萬 勛 千八百三十二 勛 一 萬 勛 行 勛 祿豐縣  
 縣 歲行鹽十三 元謀縣 歲行鹽一 羅次縣 歲行鹽一 祿豐縣  
 萬七 勛 十 勛 十八萬 勛 十五萬 勛 行 勛 九  
 歲行鹽一十二萬 易門縣 歲行鹽二 富民縣 歲行鹽九  
 五千四百八十 勛 十五萬 勛 萬五千 勛

琅井產井一區

琅井 坐落楚雄府屬定遠縣 地方距省四百二十里

行鹽六州縣

建水縣 歲行鹽八 阿迷州 歲行鹽一十 甯州 歲行鹽二十六  
 十六 通海縣 歲行鹽一十 河西縣 歲行鹽一十 新興州 歲行  
 勛 八萬二千 勛 七萬六千 勛 鹽三

十八萬 勛

雲龍井產井八區

金泉井 諾鄧井 石門井 大井 師井 順盪井 山  
 井 天耳井 坐落大理府屬雲龍州地 方距省一千二百六十里

行鹽八府州縣

保山縣 歲行鹽七十八萬 騰越州 歲行鹽五十二萬五 永平  
 縣 歲行鹽一十四萬 鄧川州 歲行鹽二十四萬 浪穹縣 歲行  
 八千一百二 勛 七千九百八 勛 萬 勛 鹽二  
 十五萬三千六 劍川州 歲行鹽一十四萬 鶴慶州 歲行鹽  
 百九十八 勛 九千八百四 勛 萬 勛 雲  
 龍州 歲行鹽四十八萬一 賦產



安甯井產井五區

洪源井 大界井 石井 鵝井以上四井滷淡久經封閉新河井現今開煎

坐落雲南府屬安甯州地方距省七十里

行鹽三州縣

新興州歲行鹽二十萬安甯州歲行鹽一十四萬九千四百九十六觔嶧峨縣

歲行鹽七萬七千四百觔

阿陋井產井十一區

奇興井 大井 猴井 吧喇井 羅木井 豐際井 十一  
二丁井 袁信井 納甸井 袁朝俸井以上係舊井改版井雍正

四年新開 坐落楚雄府屬廣通縣地方距省三百里

行鹽二府縣

開化府歲行鹽三十三萬觔蒙自縣歲行鹽三十七萬八千六百觔

景東井產井四區

磨外井 磨腊井 大井 小井坐落景東廳地方距省一千二百四十里

行鹽

景東廳境 楚雄府屬永盛廠鎮南州屬鼠虎二街南安州屬磻嘉

蒙化廳屬南澗

彌沙井產井二區

真紫 四之一 賦產



彌沙井 橋後小井 坐落麗江府屬劍川州地方距省一千六十里

行鹽

鶴慶州屬 觀音山 上牛 街石碑坪 劍川州屬 觀音閣 溪石曲 沙

只舊草溪井產井二區

只舊井 坐落武定州地方距省三百六十里 草溪井 坐落武定州屬元謀縣地方距省三百五十里

行鹽

蒙自縣 歲行鹽三十一萬八千七百觔 阿陋井大使 歲行鹽五萬三千一百觔

按版井產井四區

大井 二井 茂慶井 茂帕井

恩耕井產井七區 同一井名坐落鎮沅府地方距省一千四百里

抱母井產井九區 同一井名

香鹽井產井十一區

香鹽井 茂腊井 平寨井 習孔井 漫卡井 蠻宏井

回子井 馬家井 蠻窩井 猛戛井 茂蔑井 以上各井雍正二年

新開 坐落威遠地方距省千四百里

行鹽

順甯雲州元江石屏鎮沅恩樂等府州縣及猛緬猛灣甸鎮康耿馬猛麻車里各夷地商販夷民自持現價赴井買運銷行



麗江井產井七區

下井係總名共井四區 巖古井 細泥井 淡井 火須井 高先

井總名共三區 鹹水井 淡水井 日期井以上各井雍正二年

地方距省一千一百里

行鹽

該井鄰獐獐巴苴猿人怒人等類無附近街市買賣不知用錢煎鹽不給薪本惟以煎獲鹽觔半給各竈作薪與夷人換易柴枝雜糧以資煎煮用度餘為官鹽運入府境行銷

磨黑井產井七區總名二區

磨黑井 磨弄井雍正三年新開 坐落普洱府地方距省一千一百六十里

行鹽

普洱府發給薪本煎辦都在府境內賣銷解課

猛野土井產井二區

猛野井 磨舖井雍正三年新開 坐落元江府地方距省八百四十里

烏得土井產井四區

烏得井 猛烏井 磨者井 整董井坐落攸樂地方距省一千九百里

廠課

金廠年該額徵金七十四兩八分遇閏加金三兩六錢一分銀銅鐵錫硃砂各廠年共該額徵課銀八萬一千八百二十



五兩六錢三分七釐零。遇閏加銀三百七十兩六錢四分二釐零。一徵金廠年該課金一十四兩五錢二分遇閏加金一兩二錢一分銀白銅鐵廠年共該課銀二百六兩二錢二分遇閏加銀十七兩一錢八分五釐坐落地方官管理。一徵金廠年共該課金五十九兩五錢六分遇閏加金二兩四錢銀錫并硃砂白銅廠年該共課銀七萬七百八十三兩七錢七釐六毫八絲二忽遇閏加銀三百五十三兩四錢五分七釐七毫四絲五忽銅廠年共該課銀一萬八百二十五兩七錢九釐三毫五絲各廠或委員或坐落地方官管理。

金沙江金廠坐落永北廳。石羊銀廠坐落南安州。南北衙銀廠坐落鶴慶州。媽泰白銅廠坐落定遠縣。小東界鐵廠坐落大姚縣。鵝趕鐵廠坐落鎮南州。只苴鐵廠坐落武定州。馬鹿塘鐵廠坐落武定州。矣納鐵廠坐落武定州。河底鐵廠坐落武定州。平地噴水灘鐵廠坐落武定州。大麥地鐵廠坐落武定州。三家鐵廠坐落武定州。雙龍疊水鐵廠坐落武定州。白衣關鐵廠坐落易門縣。迷末鐵廠坐落易門縣。三山鐵廠坐落陸涼州。紅路口鍋鐵廠坐落馬龍州。龍朋里上下鐵廠坐落石屏州。路



南小水井鐵廠坐落石屏州。上潞江金廠坐落保山縣。  
錫板等金廠坐落開化府。石羊銀廠坐落見前。個舊銀  
錫廠坐落蒙自縣。永盛銀廠坐落楚雄縣。土革喇銀廠  
坐落南安州。馬龍銀廠坐落劍川州。蒲草塘銀廠坐落  
鶴慶州。沙澗銀廠坐落鄧川州。黃龍銀廠坐落開化府  
。淝革銀廠坐落河西縣。方丈銀廠坐落新平縣。惠隆  
銀廠坐落大姚縣。金龍銀廠坐落雲縣。馬腊底銀廠坐  
落開化府。古學銀廠坐落中甸。黃泥坡銀廠坐落建水  
縣。募迺銀廠坐落永昌府轄孟連地方。西里硃砂廠坐

落永平縣。媽泰白銅廠坐落見前。青龍銅廠坐落元江  
州。白龍猛薩二銅廠坐落普洱府。子母銅廠坐落昆陽  
州。寨子山銅廠坐落易門縣。永興等銅廠坐落甯州。  
龍寶等銅廠坐落路南州。二郎山銅廠坐落趙州。銅礦  
箐銅廠坐落永平縣。臨江等銅廠坐落順甯府。白沙等  
銅廠坐落武定州。斐母三元等銅廠坐落建水縣。金釵  
等銅廠坐落蒙自縣。烏龍興國二銅廠坐落宣威州。者  
囊銅廠坐落開化府。發濟銅廠坐落祿勸縣。湯丹普毛  
等銅廠坐落東川府。孟沙銅廠坐落九龍江外地方。北



衙銀廠坐落見前。南衙銀廠坐落鄧川州。阿幸鐵廠坐落騰越州。苴芄鐵廠坐落定遠縣。甲甸罵刺鐵廠坐落武定州。鵝膊子鐵廠坐落嶧峨縣。法泥打礦山鐵廠坐落祿豐縣。上下壩皮硝廠坐落祿勸縣。曲阜撒喇烏皮硝廠坐落祿勸縣。卑浙倭鉛廠坐落羅平州。塊澤倭鉛廠坐落平彝縣。

稅課

元世祖至元二十年嚴禁雲南管課官員不得於額外取錢。英宗至治三年設大理路白鹽城權稅官秩正七品中慶路權

稅官秩從七品

明洪武二十三年定商稅三十分稅一設雲南府稅課司大理府稅課司臨安府稅課司霑益州交水稅課局楚雄府稅課司騰衝指揮使司稅課局永昌府稅課司又曲靖府稅課司嘉靖元年革景東府稅課司十年革蒙化府稅課司隆慶二年革昆明縣河泊所劍川州河泊所晉甯州河泊所俱嘉靖二十九年革昆陽州河泊所三十二年革歸化縣河泊所嵩明州河泊所俱久革甯州河泊所石屏州河泊所澂江府河泊所俱隆慶二年革



正統十年奏准雲南大理府所屬河泊所魚課米中半納鈔  
十一年以雲南稅課原無闡辦之處令所司收辦一年為額  
所收課鈔皆存留為官吏旗軍俸糧等項支用

萬曆六年以上稅課魚課之數雲南稅課鈔一萬二千七百六十  
四兩二錢五分五釐米麥九百四十四石八斗八升八合五  
勺海貝五千七百六十九索魚課銀一千三百五十三兩七  
錢八釐米麥三百五十石五斗

本朝雲南通省原額實徵商稅門攤酒醋鉛鐵麻市海貝易銀  
等項各色課程共銀一萬四千八百一兩三錢五分七釐四

絲六忽一微

雍正二年新增歸公商稅銀共五千九百兩又新增歸公稅規  
銀六千一百兩○六年新增歸公稅銀四萬四千二百一十  
五兩三錢零○七年八九十等年續增額外稅銀共四千九  
百二十六兩八錢

附倉儲

實貯各府州縣并歷年社倉穀麥苡稗青稞共六萬九千九  
百九石四斗六升二合零○實貯各府州縣鹽井歷年捐納  
捐輸罰俸降罰學租捐買米穀麥苡稗豆共四十二萬八千



六百二十八石二斗一合零

附錢法

元世祖至元十三年雲南行賽典赤言雲南貿易與中州不同鈔法實所未諳莫若以交會員子公私通行庶爲民便從之○成宗大德九年以鈔給雲南行省與員參用其員非出本土者同僞鈔論○明嘉靖三十四年題准雲南鑄錢每年扣留本省鹽課銀二萬兩就近買料僱匠鼓鑄年額錢三千三百一萬二千文令參將一員專理每年十月以內鑄完解戶部○四十四年罷雲南鼓鑄○萬曆四年巡按郭延梧言

滇中產銅不行鼓鑄反以重價購海貝非利遂開鑄局○八年罷雲南鑄錢其在庫錢令貴州運充兵餉

本朝順治十七年令雲南開局鑄錢○康熙九年罷雲南鑄局○二十一年設鼓鑄於雲南蒙自祿豐大理等處○二十四年臨安設局○二十七年總督范承勳以雲南錢法壅賤奏罷之○雍正元年設鼓鑄於雲南府城霑益州城臨安府城大理府城共建爐四十七座專委總理官一員每爐工匠二十一名月給工食銀三十六兩每爐月鑄錢三卯每卯鑄銅六百觔給鑄炭一千六百觔土確十五個繩三觔八兩鑄錢



一百四千文今惟雲南府城東川府城設局鼓鑄每年約得  
息銀二萬一千三百兩有零

常產

穀之屬稻 凡百餘種約以紅麥有小麥大麥燕麥黍有黃黍  
黍長蘆粟 稻有白稻糯稻概之 豆有黃豆白豆紅豆菜豆飯豆豌豆  
灰條數種 稷有白稷數種 粱有飯糯 菽有甜菽苦 麻有脂麻  
豆數種益部方物略記佛 蜀黍 即高粱產呈貢 草子 米似稷而微  
麻胡麻 稗 稗有山稗糯 雲南縣者佳 細郡縣夷羅  
貨之屬鹽 詳載 油 有菜油蕪子麻子脂麻胡 酒 有燒酒白酒  
鹽法 麻桐油蘆花子油數種 黃酒數種

花椒 蕪葉 小粉 蜂蜜 蠟 有黃蠟白蠟 布 氈 姚安

金 銀 銅 鐵 錫 鉛 水銀 滇產五金其來舊矣第 時出時竭亦難專指定

蔬之屬薑 宜良 芥 葱 昆明 韭 蒜 薤 茴香 青菜

白菜 種來自安 蘆菔 俗呼蘿白有紅黃白 菠菜 高苣 莧

有紅白二種又 芹菜 苦蕒 麥蘭 蔓菁 蓴 大理浪穹

一種馬齒莧 胡荽 一名 苘蒿 碧蓮 樹頭菜 產自石屏

蕪 建水 董 早芹 胡蘆 香菜 芋 蕨 竹筍 永北 菱 筍 蒲筍

茄 瓠 雲南縣 葫蘆 芋 蕨 竹筍 永北 菱 筍 蒲筍

冬瓜 絲瓜 王瓜 南瓜 金瓜 苦瓜 土瓜 山產土 人掘以

滇纂 四之一

賦產

大



濟食菜瓜 稍瓜 倭瓜俗名入稜瓜 銀瓜 扁豆 金豆俗名紅豆又百

日薯蕷俗名山藥 紅薯 雲板薯 甘露子 秦椒俗名辣子 蒟蒻俗名

鬼香葦出廣西者佳 木耳 白森 雞菱舊志云雞以形言菱者飛而歛足之貌說本楊

慎或作蟻垤以其產處下皆蟻穴通雅又作雞塿以六七月大雨後生沙土中或松閒林下鮮者香味甚美土人鹹而脯

之經年可食若熬液為油以代醬菌有青頭羊肝胭脂羊奶豉其味尤美出臨安蒙自者佳 菌雞冠松毛一窩蜂黃羅

傘紅羅傘莖等十數種 果之屬梅有山梅鹽梅二種 杏 李有荆山麥熟苦李數種 桃舊志以富民為最今滇池海口

者甚佳 梨省城晉甯者佳 棗賓川者佳 栗 石榴黑鹽井者佳阿迷州又一種白石榴 胡桃大理

漾濞者佳 松子 瓜子大理彌渡者佳 榛子 木瓜 西瓜 郁李 香

櫟 橘賓川者佳 柑 佛手 柑 橙 柰 柿 葡萄麗江者佳 林檎 花

紅 銀杏 枇杷元江者佳 甘蔗 梧實 落花生臨安者佳 羊

棗 橄欖元江者佳 櫻桃 山櫨通海者佳 餘甘 錐栗 楊梅 鎖

梅 多梔俗訛梔為衣 救軍糧山野彌望綠葉白花紅子極繁五六月熟味甘可食 葶薺

茨菰 菱角 蓮子 藕臨安者佳 芡實

花之屬牡丹有紅黃紫香粉紅數種 茶花奇甲天下明晉安謝肇淛謂其十德為詩百咏趙璧作譜近百 優曇花葉如婆羅而有九

種以深紅軟枝分心卷瓣者為上 十二瓣遇開 天女花花似玉蘭而白過之暮春始開香甚清遠 蝴蝶花色黃綠相

則多一瓣 蜨春夏盛開大理上關一株樹大花繁更為滇省之冠其花首尾相銜垂下如串下有蜨泉 梅花有紅梅

賦產 四之一



砂玉剪綠萼照水數種又大桂花有丹桂金桂銀桂三種又

理上關唐梅寺有唐梅一株桂花有月桂四季開花夏秋結

子杏花桃花有絳桃碧桃芙蓉

香有紅白杜鵑有五色雙瓣者永昌

有深紅淺茉莉產元江者蠟梅有磬口雀

榴有紅黃櫻桃有紅白二種紅為繡毬有紅白紫

薇有五玉蘭茄蘭茶蘼唐棣李地棠木槿海

紅即淺紅山茶自十二月開至金梅名又以垂條似柳一名

迎春山丹俗名映辛夷刺桐一名蒼梧樹高數丈花開丹

元江產小桃紅木香有黃白粉團有紅黃佛手花夜合

者尤多

七里香 瑞香 仙人掌 葉肥厚如掌多刺相接成枝花

剛纂 花黃而細土人植以為籬又一蘭有七十餘種蓮有紅

邊三種又二色芍藥有紅紫菊有九十水仙素馨山野蔓

蓮紅白中分廣植藥紅花白質秀香清亦有四季開者舊志即南方草木

狀所謂耶悉茗也稱其種來西域又滇畧云南詔段素興好

之故名通雅云南漢劉鋹之姬鳳仙俗名金鳳玫瑰地湧金蓮

日素馨葬處生此人以名之者勝鳳尾龍爪雞冠有高足矮足百

開花者勝鳳尾龍爪雞冠有高足矮足百玉簪秋海棠

剪紅羅魚子蘭十樣錦萱迎春報春凌霄

石竹五色錯雜金錢鷺鷥毛罌粟有五虞美人扁竹

類萱花十姊妹西番菊西番蓮西番錦水丁香

名菜蔥花

真繫 四之一 賦產



一名紫 茉莉 金盞銀臺 長春 佛手 向日葵 又有蜀葵冬葵 旋菑

百合 石斛 山礬 燈籠花 燈盞花 仙鶴花 宛如飛鶴

鷺鷥花 蝴蝶戲珍珠花 白色花開如蝴蝶狀中有圓珠數點故名 以上俱草本 芭蕉

有鳳尾象牙美人數種元江又產緬芭蕉公芭蕉二種 吉祥草 通草 蒲草 用以織蓆又一

種虎 象鼻草 虎鬚草 鳳尾草 魚眼草 薜荔 即香草 菖

蒲 蘋 藻 苻 葦 蘆 茅 燈心草 鐵線草 火

草 紫草 夏枯草 蓼草 虎掌草 馬鞭草 青蒿 附草

木之屬 椿 松 有油松杉松細松數種 柏 有側柏團柏合掌茨柏四種 梧桐 楊

柳 白楊 槐 有黃白二種 栗 有板栗毛栗黃栗白麻青剛數種 花栗 棠梨

楸 楠 黃楊 俗名石萬年青 水冬瓜 楮 柞 樟 梓 冬青

榜 柘 紫榆 桑 檀 檜 椴 櫟 觀音柳 樹高數丈

葉如茴香 羅漢松 綿木 皂角樹 無花果樹 紫竹

攢竹 水竹 苦竹 觀音竹 鳳尾竹 慈竹 篔簹竹

貓頭竹 實心竹 東坡竹 龍竹 筋竹 附竹

藥之屬 茯苓 姚安者為上尋甸武定楚雄者次之 何首烏 香附 賓川者佳 沙蔞

土人浸 蒙化者佳 川芎 苦蕒 當歸 臨安者佳 地黃 天門冬 富民者佳

麥門冬 防風 桔梗 白芷 柴胡 前胡 安甯者佳 半夏

呈貢者佳 南星 黃連 麗江開化者佳 黃芩 乾葛 升麻 貝母 白



芍 赤芍 白豆蔻 遠志 石菖蒲 威靈仙 天花粉  
富民者佳 牛膝 秦艽 黃精 猪苓 澤蘭 重樓 常山  
 薑黃 大理者佳 細辛 麻黃 香薷 木通 紫蘓 荆  
 芥 大理者佳 薄荷 蒲公英 骨碎補 草決明 益母草 稀  
 荻草 穀精草 龍膽草 木賊草 菊花 金銀花 臨安者佳  
 紅花 旋覆花 兔絲子 車前子 史君子 金櫻子  
 五味子 青箱子 枸杞子 補骨脂 薏苡 臨安者佳 草麻  
 子 覆盆子 蒼耳子 石楠藤 瓜蒌仁 牽牛 葶藶  
大理者佳 楮實 枳殼 陳皮 青皮 賓川者佳 地骨皮 桑椹

桑白皮 桑寄生 厚朴 石膏 滑石 麝香  
 羽之屬鷄 鷺 鴨 鴿 雀 鷹 鳩 烏 鴉 燕  
 鵲 鶴 鶉 鷓鴣 鷺 倉庚 一名黃鸝 雉 鸚鵡 俗名鸚  
 畫眉 白鷗 灰鶴 錦鷄 鶴 鷓鴣 俗名水 鷓鴣 俗名  
 野拖白練 黑頭公 秧鷄 啄木冠 鴛鴦 鷓鴣 子  
規一名杜鵑 隼 鷓鴣 十樣錦 巧婦 天白了 哈喇鷄  
 毛之屬馬 牛羊 犬 豕 貓 羸 驢 獐 鹿  
 兔 鹿 麋 猿 猴 虎 豹 熊 豺 狼 獺 狐  
 狸 麝 羊 野豬 蝟 鼠 有飛鼠黃鼠竹鼠鼯鼠麝鼠諸種

宜卷 四之一 賦產 三



鱗之屬鯉 鯽 鯪 白魚 黑魚 金魚 油魚 鮎

鱈 鱈 蟹 龜 鼈 鱗 鱈

蟲之屬蠶 繭 織 土 蠶 蠶 蝶 蟬 螢 蟋蟀 蠅 蜘蛛

蝙蝠 蝨 斯 蛟 蠅 蚱 蟬 蜂 蟬 蜻 蜓 螳 螂 蛇

蜥 蜴 蠹 蝦 蟆 蚪 蚪 蟻 蟻 蝸 牛 蟻 蚯 蚓

異產

雲南府屬香糯 出富 太華茶 出太華山色味俱 塘頭布 出富

頭極 烏帕 鉛粉 銀硃 黃丹 俱出 石綠 出易門有 五色

花石 出嵩明彌雄山大如豆五色錯雜 焯硝 出易門 另棗 形

如琪花 產晉甯天王廟冬花 巨竹 出易門蒿甸 芸香草 出昆

二種一名五葉芸香能治瘡毒入夷方者攜之如嚼此草無 味便知中毒急服其汁吐之自解又一種名韭葉芸香能治

瘡 瘡 鏡面草 和嫩葉煎酒 服能治月閉 金線魚 出滇池金線洞金細 瘡

武定州明礬 出元 礪石 出金 龍腦石 出獅子山有 酸角 形似

味甘 梭羅木 五色石斛 出祿勸普渡河 巖羊 出祿 鯖魚

大理府感通茶 出太和 蘆子 出雲 紙 有青紙粉 墨 靛 俱出

胭脂 出雲 紅布 出雲 點蒼石 出蒼山麓白質黑紋有山 紅花

乳扇 酥油 高河菜 出蒼山高河泉莖紅葉綠味 龍女

花 太和感通寺一株樹高數丈 黑竹 出浪穹色黑 工魚 一作

花 類白茶相傳為龍女所種 賦產 可為簫管 黑 工魚 公魚

真繁 四之一 賦產 三



出洱海如鱗而鱗細長螺蛋出趙州

不盈尺楊慎稱爲魚魁楚雄府響石清越可爲磬越瓜 霍香 班竹 青魚出黑井味

佳木榭一名菩提子圓木羅布即槿布也槿木皮可爲布錦雞姚州白鷗

永昌府縹緞布堅厚縝密碁質堅色潤琥珀 水晶 菜玉 墨

玉 硃砂 海金砂 寶石俱出猛緬若水晶墨玉諸品尤貴且遠者舊志載於永昌物產

內蓋因其由永昌而來寶未考其所自出姑存其名雲母石 催生石作孟飲酒可治產難紫莢

石 白茄 飛松子 波羅蜜實大如梨味甘微酸董稷 麻竹其質懸軟

可絞繩 花斑藤出高黎貢山外色斑中實可爲杖排風藤 藁葉產與元江同硫

黃 黑藥 阿魏 沒藥 乳香 兒茶 冰片 哈芙蓉

越卽鴉片神黃豆 青花豆可治瘡象時魚出瀾滄江雷鳴始出味鮮美竹龜出騰

麗江府無芒麥出寶山穗無芒而實圓和尚蒜 瓊瓏出江外自然銅產無

定在亦花馬石 青石 漆 葡萄出江外荊花 紫金錠以雪

山水和藥爲之旌牛舊志作犛牛尾可作纓琵琶猪 石耳形如木耳生感極清

之氣久數珠菜生江中形類念珠海棠果出劍川類花紅而小味酸榧子出劍川能烏鬚

山驢 青銅魚出樣工江細鱗長不盈尺夏月始出蝦米出劍川較他產者尤細膩蟲草

順甯府蘆子出雲州漆 猩猩果色紅味酸子即酸棗仁班竹出雲州濮竹

卽南中志所謂節相去一丈可受一斛者今產不過去二三尺受升合而已 藤竹杖 雞血藤出雲



州熬膏 蛤蚧 綠鳩 長鳴雞 矮犬 毛深足短即竹 脆蛇

治血症 見人則斷人去復續 取而乾之可治腫毒

永北廳石花菜 鹿茸

蒙化廳石黃 出石 自然銅 有無 白鱗 出舊定邊 縣能去垢 乳扇 酥油

棉花 紅花 人面竹 節如人面 錦雞 沙溝魚 大僅如指美 同滇之金線

水蜈蚣 冬月出漾江 中味肥美

景東廳沙羅布 羊肚布 織文如羊肚 青紙 石風丹 生石上能療瘡毒

仙茅 苦子 淨瓶蕉 布子而生本大 未銳形如淨瓶 孔雀 竹鼈

普洱府茶 產攸樂華登倚邦莽枝蠻崙慢撒 六茶山而倚邦蠻崙者味較勝 蘆子 甜筍

石青 出白 龍廠 盧薈 神黃豆 稀痘藥 中用之

臨安府藕粉 出建 沙糖 甯州 淡豆豉 出阿迷能治傷風 紋布 出通

莎羅布 出建 石青 出甯州阿迷 暫我新平 膽礬 紫石 出石屏 可作硯 花石 出通

海 勝沉香 出河 柚 扶桑花 鷓鴣 出通海杞麓湖鷓鴣身鴨 掌上已前來重陽前去

花魚

元江州檳榔 一名仁頻樹高數丈旁無附枝正月作房四月

嚼之味香美 且寬中消脹 蘆子 產山谷中蔓延叢生夏花 葉家園遍植 葉大如掌

羅 樹高數丈實從幹生大如 抹猛果 形如木瓜熟 酸 酸角 蘇

冬瓜色似楊梅香甘迥異 賦產



木 麒麟竭 舊志木高數丈葉類櫻桃脂流樹中疑 鱗蛇膽

舊志有黃黑二種長丈餘且四足能食鹿春夏在山秋冬在水土人取食之其膽治牙痛解諸毒黃為上黑次之今俱難

得孔雀 白鵬 泥滑滑 即竹鷄能辟壁蟲 矮鷄 俗名獵夷鷄 黃魚

肉金色味甘肥

鎮沅州南棗 娑羅布 白鵬

曲靖府茶子 叢生單葉子可作油 棉花 石燕 出響水類燕有文雄大雌小遇風雨則飛能療

病馬蹄香 木瓜梨 圓松 油蝦 出陸涼

澂江府土青 青皮香 出河陽 靛 出新興 蔓胡桃 出江川形如扁螺味似胡桃

櫻皮 仙茅 出河陽 蘆甘石 窠窠魚 一名鮑鮮出河陽撫仙湖凡山麓水涯之石洞

曰窠窠魚出水涯石穴土人挾巨筍汨水承洞口而取之鱗細味美長五六寸腹多映乾亦不空舊志訛康郎楊慎以為濂竇謂其乾 青魚 出舊陽宗明湖味極佳膽可療目 碌魚 出江川星雲湖似而中空未確

俗呼為 紫鱗 出舊宗陽 大頭魚

廣南府雲竹 千張紙 木實也形似扁豆其中片片如蟬翼焚為灰可治心氣痛 草果

開化府馬金囊 即紫檳榔嚼之飲水味甘除熱可治瘡毒 薑黃 攀枝花 蘇木

枕椰 可為麵濟食 櫻竹 鱗蛇膽 出安南長官司與元江產者同

東川府木棉 漆 降真香 菊花淺 出巧家葉似菊花性同人淺 法落

海 出法憂 鷓鴣 治心痛

昭通府筇竹 一名羅漢竹 方竹 二竹皆出鎮雄山中



廣西州鷄腿竹

產山谷間每節上大下小可為杖

透明魚

出瀘源洞口其大如指額有肉角色

白無鱗畜水盆中臙腑俱見

銅出於滇凡四十八廠最著者東則湯丹落雪西則蘆塘甯台廢舊開新繁猥難數特著攻採者之名目焉農部鎖錄云廠民多忌諱石謂之硤土謂之荒好謂之徹佩金器者不入礮有職位者不入礮不鳴金不然爆不呵殿祀西嶽金天祀礮脉龍神謂龍神故棘夷畏見冠帶吏也硤謂之礮礮石堅謂之硤硬以火燒硤謂之放爆火礮一片謂之刷礮長伏硤謂之環大礮謂之堂硤防土崩架木撐撐謂之鑲入硤尺寸

若干謂之排煎礮為扯火配石為底子多配謂之稀少配謂之稠木柴燒礮謂之鍛有經一二三鍛然後入爐者謂之鍛窯毋待於鍛者謂之一火成銅滿一晝夜謂之飽火晚煎曉成謂之半火銅面謂之油銅渣謂之埽一圓謂之餅餅謂之紫版再煎謂之蟹壳煎不成銅謂之和尙頭收拾渣滓謂之淘荒洗埽凡礮錫鐵為上墨綠次之黃金箔又次之凡鍊白火者荒也青火者硤也綠火黃火各如其礮之色惟紅火為上乃銅之光火烈礮鎔其埽先出流注如金膏以水沃之成團曳而棄之埽盡而紅光發則銅存焉乃拆爐封融液如錫



以灌澆之成餅缺而出之沉於水次第而沃之而缺之而沉  
之盡鑪或得十圓或十餘圓自面起者徑尺餘以次第遞差  
而小入底徑數寸蓋有數存不可強也無俟煉者爲自來銅  
銅錮於山爲天生銅天生銅爲銅母不能採凡礦之爲物善  
變忽有忽無爲跳礦小積爲窩爲雞窠礦入不深者爲草皮  
礦臨水外行者爲趙江礦內行爲進山礦進山最佳可望堂  
礦礦脉微露謂之苗細苗如線謂之引土石夾雜謂之鬆荒  
鬆荒易攻鑿其礦不長久凡攻鑿喜破硬硬則久可獲大堂  
凡礮畏馬血塗之則礦走凡礮畏印封封則引苗絕凡礦最

變採礦盈山未及煎煉或化爲石棘人居土房旁有墜墻其  
色忽青碧塌而斂之銅液飛注此神化之極也凡厥之道厥  
有厥主聽其治平其爭斂金而入於金府府一人掌銅之出  
入史一人掌官書以治凡胥二人掌僭伺之事游徼其不法  
者巡其漏逸者舉其貨罰其人以七長治厥事一曰客長掌  
賓客之事二曰課長掌稅課之事三曰爐頭掌爐火之事四  
曰鍋頭掌役食之事五曰鑲頭掌鑲架之事六曰碓長掌碓  
碓之事七曰炭長掌薪炭之事厥徒無數其渠曰鑿手其椎  
曰尖子負土石曰背荒其名曰砂丁皆聽治於鍋頭其咎以



荆曰條子其縛以藤曰指其法嚴其體肅其入槽也曰下班  
晝夜分爲二班其燈曰亮子直攻橫攻俯攻仰攻皆因其勢  
以巾束首掛燈于其上裸而入入深苦悶鑿風洞以疏之鑿  
深出泉穿水洩以泄之有泉則礦盛金水相生也凡量礦以  
桶凡礦一石得銅八十斤爲上六十斤次之四十斤又次之  
三十斤又次之不及十斤爲下凡銅紫版爲上鎔紫版百斤  
得蟹壳八十斤則淨銅矣以充京運次則以運省倉以供東  
川鑄局張君雜記云裏糧搭蓆棲其上曰火房招集工力曰  
小伙計或稱弟兄司飲食者爲鍋頭架鑲木者爲廂頭開礦  
曰打槽子硃有引線老於廠者皆識之依線打入一人掘土  
數人出之曰背荒土內有豆大硃子曰肥荒檢之尙可煉以  
易油米硃之深下者曰井洞開之平者曰城門洞洞中石圍  
土砂者曰天生洞洞口不甚寬廣人皆偃偻入內慮陷支以  
木間二尺餘支木四曰一廂洞之遠近以廂計上有石則無  
慮廂亦不設洞內五步一火十步一燈所費油鐵約居薪米  
之半而編查防奸按制得宜則有司之責綦重矣硃之最佳  
者曰綠錫蠟煉千斤則銅居其五六次曰白錫蠟爛頭錫蠟  
再次曰硃硃錫蠟銅居其三四下者曰牛版筋僅可敷炭價



若夾石砬稠砬哈砬則每千斤不過得銅四五十斤得不償  
失遇者有憂色咸品搭於佳砬內以煉煉礦曰扯銅其法礦  
千斤用炭七八百斤不等爐如夾牆底作圓窠鋪以炭末始  
加礦炭置砬上竅其後置風箱前下開孔如半月封以泥稍  
上復開一孔火盛砬鎔則砬自此出而銅沉於底砬竭流則  
銅成之候矣鈎去半月封泥先掣餘炭既淨用光飲潑之設  
投以水則爆炸而銅不完好少間銅面凝結鉗出如蟹壳次  
第發取每爐得銅可六七餅呼之曰元至土洞深開爲積霖  
所陷曰浮洞鑿者不得出常悶死或數人多至數百且數十

爲寶氣所養面如生有突立向人索飲食者啐之卽僵仆名  
曰乾蟻子每廠衆推老成一入爲客長立規最嚴犯者受其  
責辱不敢怨常有東西異線打入共得一砬者必爭經客長  
下視定其左右兩比遵約釋競名曰爭尖子品尖子合錄與  
記而互明之大略已具矣

滇南大政惟銅與鹽鹽皆井鹽設提舉司三其不歸提舉者  
歸州縣官黑井白井各五琅井一黑鹽歸省店行二十一  
州縣商販銷白琅鹽行二十六州縣官督銷統歸三提舉雲  
龍井八行八州縣安甯井五行三州縣歸州牧徵阿陋井十



一行二府縣歸大使徵景東井四行五處歸廳徵彌沙井二  
行二處大使徵只舊草溪各一行二處阿陋大使兼管按版  
四恩耕七抱母九香鹽十一麗江七磨黑七猛野二烏得四  
或由州縣官與大使或聽民自銷上課此其大較也考雍正  
間額煎鹽二千七百二十八萬七千四百餘斤正課銀二十  
七萬八千餘兩盈餘銀共四萬七千七百餘兩如是而已後  
來公私交迫總歸鹽銅加煎加銷至餘於倍鹽政大壞民力  
不堪奸民乘之而起圍城細吏刷眼投火總以鹽爲藉口此  
有鹽地方所以愈不可爲也竊惟滇境之闊其幅員可以包

乎江浙兩省而地丁錢糧曾不及大府之一江浙山郡甚多  
亦如滇南而賦役懸殊者則不均之故也地方官無漕糧出  
辦不得不假鹽課以轉動之大吏又視行鹽之區爲利藪官  
累日深民怨滋起職是之故夫滇之兵米僅足養兵猶且不  
支鹽課銀以支兵餉與官俸猶且不足歲仰於各省協濟銀  
累巨萬疲內郡以濟邊方幾成爲甌脫無用之地惟開滇時  
田賦甚輕數百年來相習以爲固然一旦清釐其勢有不能  
行况於鹽務略一加煎加派羣呼而起禍幾不測方今正額  
且不能銷所加化爲烏有愈貧者愈貧由計之不審也惟是



因仍原額與之休息尙可以支撐故詳志諸井使有所考焉  
銅綠卽綠礦也以煎銅不及錫鐵琢爲器皿值兼金靡之爲  
顏料名之曰大綠亦貴物在得所用耳出羅次武定祿豐諸  
廠

鍾乳石之津液凡滇中諸洞之奇皆其凝結而成者色白如  
乳故云

石硫磺滇中各出而惟浪穹之天生黃其值比金  
石中黃見於抱朴子滇山盡石其黃往往有之蒙化石母山  
出石黃

石燕石蟹到處有之可塗瘡馬龍州出石燕有文大曰雄小  
曰雌碌秀部亦然土人言天將雨燕隨風起舞滿天風止落  
地仍爲石

楚石出大理點蒼山解之爲屏及棹面有山水物象如畫寶  
貴聞於宇內高督爲十品層巒疊嶂積雨初霽羣山傑立雪  
意未晴雪峰千仞巖岫半微水石雲月雲山有逕淺絳微黃  
孤嶼平湖各係以詩然其景不止此或高公所得僅此耳楚  
石似若可喜及讀張佳印三石篇爲禍地方曷有極耶嘗於  
祿勸學宮見所砌長石板旭日初照作柏葉紋使匠作油發



必大顯但其粗脆易剝不如楚石白潤堅緻故不中屏材耳  
間有解木中間亦作種種物象者可知天地間何所不有諸  
洞物象皆成自天然而窠變大士蛤藏佛象其小焉者也

銀亦上幣軍國之巨政也中國銀幣盡出於滇次則嶺粵花  
銀來自洋船他無出也昔滇銀盛時內則昭通之樂馬外則  
永昌之募龍歲出銀不貲故南中富足且利及天下大吏不  
達時政禁銀廠以事銅廠自是銀耗銅充每銀二十四銖至  
準銅錢二千五六百遠處且準至三千四千官民交受其困  
銀廠之礮硃丁衆名稱大概同銅廠至於煉銀則用推爐照

子爲稍異然銀成總由底母倭鉛固其常也有此廠鉛宜而  
彼廠不宜降而下之至有點烏泥青苔而成者由此參悟而  
知神仙黃白之說未嘗不可信同一石也得底母點之卽成  
銀西番估舶市中國倭鉛歸以藥草煮之卽成花銀轉販於  
中國此非明著大效乎滇南銀廠十有六

鉛鐵所出地方多唯蒙自之錫名於天下卽唐貢所稱蠟也  
其廠名曰個舊個舊之錫響錫也錫不雜鉛自響也木邦土  
司亦出響錫滇南倭鉛廠二鐵廠二十錫廠一

金出於北金沙江所謂金生麗水也淘洗得之工費正等惟



掘於平地得金塊大小而利贏滇志所稱麗江金沙江出金  
姚安龍蛟江出金永甯府出金臨安安南長官司出金金於  
滇出爲多葉金條金咸萃於滇而累滇亦甚前明中使藉採  
金採寶井以虐滇往往至於兆亂亦可以鑒矣滇南金廠三  
一在永北之金沙江一在保山上潞江一在開化之錫板又  
案續博物志云生金出長傍諸山取法以冬或春先於山腹  
掘坑方夏水潦蕩沙泥土注之坑秋始披而揀之有得片塊  
大者重一斤或二斤小者不下三四兩先納官十分之八餘  
許歸私仍累勞効免征賦麤金出麗水河賧川有罪送淘金

所最爲重役會同川銀山出銀鑛私置冶官收十之三諾賧  
川有錫山出錫彼時滇不入宋版圖而能詳之若此則李志  
勝范志矣李與范同時人俱南渡以後

玉出於南金沙江江昔爲騰越所屬距州二千餘里中多玉  
夷人採之搬出江岸各成堆粗礦外護大小如鶩卵石狀不  
知其中有玉弁玉之美惡與否估客隨意買之運至大理及  
滇省皆有作玉坊解之見翡翠平地暴富矣其次利雖差而  
亦贏最下則中外盡石本折矣氈包席裹遠運而來有貴而  
置之密室或賤而棄之籬落且用以拒門然珍者解開轉成



白石賤者解開反出翡翠雖老於作玉者不能預定此卞和所以泣也按南金沙卽禹貢之黑水江之自出包西藏上通甘肅所謂雍望者應在於甘肅言雍州望以爲祭者也故雍梁二州皆以黑水爲界猶兗豫雍共界河徐揚共界淮耳後儒謂有兩黑水豈淮河亦有兩哉雍州之貢球琳琅玕梁州之貢璆鐵銀鏤磬磬周制合梁於雍滇於禹貢屬梁州於職方屬雍州想古時黑水上流必巨採玉者多於其中故球琳琅玕盡爲雍州之貢梁但貢璆磬由玉出之少耳自上流漸湮所謂黑水者其流甚細又時隱時見幾無從脈其源流而

江之精珍隨水而下盡歸於梁州滇南正界大金沙江故出玉爲盛凡滇產諸玉皆當日球琳琅玕與璆磬之遺也職方亦云其利玉石則採玉攻玉爲民利所貫同今川陝不聞有玉玉出黑水之大金沙江脈水道者得吾說而存之其亦可以談禹蹟也夫

圖書石出金沙江及獅山

藏香出中甸中甸多喇嘛黃教紅教盡居於此成村落且出活佛少長藏僧來訪以厚幣迎歸王其藏甸人能作此香如線香甚纖細長二尺白莖爲束滇中貴之以爲通神明凡房



韓產厄天花危篤焚此香卽平安

琥珀出永昌地中有琥珀旁不生草掘深入九尺卽得之其  
大如斛削去外皮中卽琥珀土瑪瑙出永昌哀牢山支嶺琥  
珀瑪瑙字皆從玉則亦玉類也本草以琥珀入木部謂松化  
菟絲下有茯苓轉成琥珀也今云削皮殆其然歟

白玉翠玉黑玉出蠻莫土司琥珀之屬出孟拱土司寶石寶  
沙碧霞璽之屬出猛密土司

寶石卽漢書哀牢傳所謂光珠出於猛密土司之寶井井有  
數處夷人環屋圍之取得佳者緬酋持去元時謂之凸凹石

以紅刺爲上品重一兩二錢值鈔十四萬錠用嵌帽頂累朝  
寶重其次淡紅色嬌曰刺深紅石薄色嬌曰避者達黑紅曰  
苦刺泥紅帶黑黃曰古木蘭凡四品張含謂須以紅透者爲  
寶嘗於王太監處見之比輒紅則黑比硬紅則乾以予在滇  
所見皆苦刺泥也而價且巨萬矣

碧霞璽一曰碧霞玳一曰碧洗皆寶石之類出猛密土司中  
五色俱有以深紅透水爲最紫黃綠間白色次之白黑一色  
最下

印紅亦寶石之類方徑不過數分投之大水缸中紅光卽映



滿缸以嵌冠上臨陣則矢石俱不能及敵人望之如見仙佛  
圓光皆驚怖此其所貴也

豪猪牙亦寶石之類取形似而名也臨陣時以挂胸前矢石  
不能及故蠻方貴之甚至以諸寶嵌於頭頂及身以雄長於  
諸部在得所用之耳今居中國而不得所用何為求之哉張  
君記云寶井在阿哇國界井深寒蠻服砒始敢下取石子滿  
囊負以上寒戰欲絕每袋謂一精改臥切索價甚昂江右客買  
之是時客猶得至也而今不能矣

軟玉出麗江摸拔山若碧玉若沉香琢為酒器及水注甚佳

又出墨玉作念珠且充貢

丹砂出於迤西左思所稱永平之西里有硃砂廠

空青今名大青曾青滇中以為顏料貢大青出姚安石青石  
綠俱出定遠響石出楚雄白龍寨子有石綠石青課

阿魏亦出於滇唐李珣海藥本草云阿魏是木津液如桃膠  
狀色黑者不堪雲南長河中亦有如舶上來者滋味相似一  
般只無黃色據此則滇中亦有阿魏矣曰長河中想亦從暹  
羅至緬甸而上金沙歟

花桐酒出武定花桐村村之地勢極高張王二姓同居頗似



武陵桃源村人工釀酒行於四遠曰花桐酒予嘗宿其村下  
則爲勒品又下爲張波羅又下爲元謀以至金沙江計其高  
應數十里上

高粱酒出元謀其地旺高粱以爲酒如北方之乾燒

桑椹酒山查酒葡萄酒滇產葡萄佳不知釀酒而中甸地接  
西藏藏人多居之酒蓋自彼處來也

古刺酒出緬甸古刺在緬甸外其水貯之器數十年不乾曰  
古刺水取此水以釀酒可以久留故曰古刺范志誤以爲古  
辣且以爲賓橫間墟名殆非也前明外番嘗有古刺貢水古

刺與暹羅皆在緬甸外而緬甸常畏之

暹羅人善釀酒以燒酒再重燒入珍寶異香每罈以檀香十  
數斤薰黑如漆入酒封埋絕去燒氣二三年取出之能去積  
病且殺蟲蠱明汪頴常見二人飲此酒打下活蠱長二寸許  
謂之魚蠱云粵人喜食魚生當是魚膾成蠱也

樹頭酒出緬甸樹類椶高五六丈結實大如掌土人以麴納  
罐中而以索懸其罐承於實下割實流汁入罐成酒名樹頭  
酒如不用麴但取其汁熬爲白糖

孔雀出滇雀尾一屏值不高人家多列之凡今以翎爲冠飾



比於古之貂蟬而以三眼為尊故孔雀貴為南方諸禽首然  
聞其血能殺人故梁王使阿蓋殺其夫以孔雀膽一具范志  
謂民人或以鸚鵡為鮓以孔雀為腊以其易得豈腊孔雀不  
遇毒而鮓鸚鵡陋體腥臊亦勞鼎俎耶蘇恭謂孔雀廣南有  
雲南無今雲南孔雀頗多則蘇言不足信

鸚鵡多於金沙江邊五色俱備亦有白鸚鵡如畫大士相隨  
者養之飼以番稻及松子其與孔雀皆文禽也一被懷毒之  
疑一嬰見鮓之難則所置有幸不幸也夫以鸚鵡早著於禮  
經歷代之傳其聰慧軼事足以感人者又至多諒無有出其

上者范志謂秦吉了比鸚鵡尤慧鸚鵡聲似兒女秦吉了聲  
似丈夫按秦吉了形狀殆即鸚鵡之產外番者惟黃紫黃距  
異於中土耳烏鳳亦然皆頭有肉冠謂非鸚鵡類哉二禽固  
聰慧能言比於鸚鵡以言語而兼文章則不及遠甚任情軒  
輊未為得其平也

大為鸚鵡  
小為鸚鵡

擺夷雞雞身而鳥脚鳴聲無晝夜寺廟多畜之鎮沅謂之小  
雞南甸謂之叫雞然雞非小也以為叫雞又不應司晨之節  
且好逐小兒而啄其眼故人家不敢畜多送之寺院  
信天翁丹鉛錄云鳥名滇中有之其鳥食魚而不能捕候魚



鷹所得偶墜者拾食之蘭廷瑞詩云荷錢苕帶綠江空唼鯉  
 含沙淺草中波上魚鷹貪未飽何曾餓死信天翁亦可以為  
 諷矣廷瑞滇之楊林人信天翁即鷲澤虞也俗名護田鳥守  
 水圳俟魚過啄食之此語早傳於天下不知發自蘭止菴也  
 蓋鳥之安命而知所止也品高亦亞於鶴矣俗言人住不動者為青鶴音莊  
 朱鳳如指頭大能作聲生於深林兒童折樹枝以錫水引之  
 得五六枚繞樹枝上不去猶蜜之引散蜂也插華堂上飛鳴  
 上下不過七八尺極可玩嘗於劉開化邸見之

象出雲南諸土司明統志云緬甸八百皆有象然不獨二土

司也夫教象以戰為象陣馱象以耕為象耕南中用象殆兼  
 馬牛之力明萬厯中鄧子龍禦緬靴尖起處踢死一象蠻大  
 驚以為神將軍蓋象膽隨時運於四支蹴其膽而殺之知將  
 略在有學問也天啟間安効良叛攻馬龍調景東土兵統象  
 兵逆戰一象奮勇衝陣土兵乘之大破蠻兵象歸營猶氣勃  
 勃始斃箭鏃滿身巡撫王伉立碑建坊葬之馬龍北關外表  
 曰忠勇義象此事著於黔書及滇志予居滇久屢見緬甸南  
 掌貢象至養於城東報國寺後園無絕殊者而供億亦煩費  
 矣



南中民俗以牲畜爲富故馬獨多春夏則牧之於懸崖絕谷  
秋冬則放之於水田有草處故水田多廢不耕爲秋冬養牲  
畜之地重牧而不重耕以牧之利息大也馬牛羊不計其數  
以羣爲名或百爲羣或數百及千爲羣論所有輒曰某有馬  
幾何羣牛與羊幾何羣其巨室幾於以谷量馬牛凡夷俗無  
處不然馬產幾遍滇而志載某郡與某郡出馬何其徧也  
夷多牲畜而用之亦甚費疾病不用醫藥輒禱神貴者敲牛  
至於數十百賤者敲羊至於數十百究無救於疾而牛羊之  
用已不可紀極巨室喪事來弔但駢牛羊成羣設帳幙於各

山牽牛詣靈位三匝而敲之以成禮仍歸所敲於各寨計費  
牛羊亦不可勝計故祿勸縣雖僻處而鼠街所出之皮革幾  
半滇由用之多也范志蠻馬出西南諸蕃多自毗那自杞等  
國來自杞取馬於大理古南詔也地連西戎馬生尤蕃大理  
馬爲西南蕃之最彼時所謂大理國者蓋統全滇而言之非  
大理一郡也桂林故靜江也宋時於靜江府設馬政以茶易  
西蕃之馬故范志自謂余治馬政今滇馬雖多未有鞭韁估  
客駟而成羣販之以出滇境者但供脚人駢運驛號收買而  
已至緬甸軍興反駢天下之馬牛以入滇死者不可勝計道



路臭穢幾不可行無濟於軍興徒爲糜費豈非不考之故哉  
傳云古者大事必乘其產安其水土而知其人心隨所向無  
不如志夫以鄭駟尙敗晉戎况駟天下之馬萬里入滇道死  
已過其半迨抵軍前馬已盡矣不得已潛買滇馬以充之滇  
馬值遂高夫內地之馬撒蹄而馳於平原廣地便滇馬歛蹄  
於厯險登危便古稱越賤之西多莎草產善馬世謂越賤駿  
始生若羔歲中紐莎糜之飲以米瀋七年可御日馳數百里  
又夷人攻駒縻駒崖下置母巖顛久之駒戀其母縱駒衝崖  
奔上就母其教之下崖亦然膽力旣堅則涉峻奔泉如履平

地此滇馬之可用於滇而入內地技亦窮矣南渡偏安於靜  
江易馬終不聞賴西蕃之馬以濟軍政想亦徒爲煩費矣  
野牛犀牛兕牛皆牛也滇多有之野牛能鬪虎割其肉卽復  
生所謂視肉也犀牛伏於潭祿勸鑄字崖有犀牛潭犀夜出  
有光見之者不利兕嗜叢棘一曰舐鐵然舐鐵者獬非兕第  
獵雲夢之兕輝赫千里射隨兕者不利則與獬皆同類兕角  
爲觥祝射皆用之犀角駭雞夫豈易得晉制犀比或騷人寓  
言而今藥舖動以犀角爲矜恐非真犀也鄒經元言九龍江  
某土司家有犀角一具寶之累世一方無災眚此其通天者



歟李石云越睽殺犀震雷暴雨真靈物也

麝亦鹿類而有香范志云自邕州溪洞來者名土麝氣臊烈不及西蕃謂雲南也是知滇麝甲於天下李石云天寶中漁人獻水麝詔養之滴水染衣衣敝而香不散夫有山獺卽有水獺有山麝獨無水麝乎但不易得得之且不識耳

山獺水獺俱可裘范志謂山獺抱樹枯解藥箭一枚一金至於水獺善捕魚畜之者且費百金其有皮者由生獺未馴習故殺而取皮粥以爲利耳禹貢梁州以皮爲貢滇於三代屬梁州其於春秋爲楚之南陲傳曰如杞梓皮革自楚徑是知

南中之皮革盛於北北且資用於南羽毛齒革君地生焉由來遠矣

鯽本爲鮒滇池多草產鯽多皆白鯽頗肥美無淮揚之草鯽烏鯽者間亦有麩腸鯽味亦頗同

滇池多巨螺池人販之遺殼名螺螄灣嘗穿成材書院地入五六尺深許卽爲螺殼出之堆山水泉迸出他穿亦然疑此地舊亦螺螄灣漸成平陸移灣於其下則滇嗜螺螄已數百年矣剔螺揜肉擔而叫賣於市以薑米秋油調爭食之立盡早晚皆然又剔其尾之黃名螺螄黃滇人尤矜以爲天下所



未有有曹姓業於此者居菜海邊人謂曹螺螄云趙州並產螺蛋

麩條鮑出東川巨者重一二斤滿腹如切麩細條盤之無腸

麩條即腸也治魚出其腸亦蠢蠢動如寄居蟲烹之麩條亦

可食此水族從來所未見者曰麩條鮑一曰麩腸魚按劍湖亦出此

魚

羊於滇中為盛故太和古城曰羊苴咩城苴者幼也咩者幼

羊呼母之聲也俗雜氏羌氏者羊之多鬚也羌者羊之引足

也故滇俗以養羊為耕作其羊脂滿腹肥者不能行牧者破

其皮捲脂而出之成筒以貨于人羊得快利健行如故省城

每日必割數百四季無間時亦有大尾羊皆來自迤西者古

云使馬如羊不以入廐使金如粟不以入懷甚言羊之多且

賤也四季之皮皆可以為裘裘之值且倍於肉其長養之羊

歲雜其毛以為氈蜀毳毼氏之長鬚者割而染以充帽纓故

養羊出辦多利息大也范志謂南中無白羊有花羊多黃褐

白斑如黃牛又有深褐黑脊白斑似鹿又乳羊食仙茅舉體

化肪無血肉又諸蠻有縣羊與胡羊不異其云蠻國即指雲

南所謂縣羊即今大尾羊也范公當南渡偏安後僅使於金

南來帥廣廣滇同俗聲教不通劃滇南為西蕃為蠻國故為



言依稀約略而不能詳然馬牛羊三者爲畜牧之上計而羊之孳生蕃息倍於馬此地方民俗之賴以生育長養者不可不籌之備也

倉頡制字必畜豕而成家周公著經次豕於麋鹿麕狼兔之後不以畜名之者蓋兼野豕而爲言也夫執於牢豢之家矣而五豨五豨私豨獻豨非狩之於野乎滇俗養豕至多未有囚而豢於室者故其產益蕃豨豨幼奏豨無論矣巨者乃數百斤割而腊之爲琵琶形曰琵琶豬蠻女爭負而貿於客此麗江之俗也而其他自夷地趕豬以市於大城及各街

子者尤不可紀極而皆出自野牧故知家豢不及野牧之蕃漢儒傳經多因牧豕以集生徒此爾雅所以列豕於釋獸之中公蓋有深意矣

龍女花天下止一株在大理之感通寺猶瓊花亦止一株在揚州之蕃釐觀也昔趙迦羅修道於此龍女化美人以相試趙以劍擲之美人入地生此花以供奉空王至今數百年緣分已滿忽被天上收去如瓊花匿無影矣

優曇花滇中頗多花青白無俗豔誠佛家花也優鉢曇花一年一見一見之後於是我佛乃說妙法蓮華經經流傳人間



花亦不復收去俾人間見花卽如見我佛是從前之千年一見者今則日日見之矣亦可以無疑於其多矣  
刺桐花滇名鸚哥花葉如梧而蔽芾花亦巨而鮮但取其枝插之卽易生如青桐也木質輕鬆亦似青桐官府取以爲杖嘗命地方頭人取數十捆分植於農部之南郊官路旁陰濃花繁行人悅憩迨于役三年回而已無矣所植城中桃李夾街亦皆伐去西園花木廢爲馬廐則接政之爲也敗於俗吏念之能無慨然

佛桑花亦佛國花也枝葉如桑而叢生花輕紅婀娜可愛佛坐桑下僧曰桑門宜桑之獻花繞佛而爲供養此佛桑之義也妄者改名扶桑失其義矣永昌產吉祥草亦佛所坐之草也此皆如來遺迹滇俗所皈心儒官爲治在因俗何必執闢佛之見易其名哉

杜鵑花滿滇山嘗行環洲鄉穿林數十里花高幾盈丈紅雲夾輿疑入紫霄行彌日方出林因思此種花若移植維揚加以剪裁收拾蟠屈於瓊砌瑤盆萬瓣朱英疊爲錦山未始不與黃產爭勝而棄在邊方至爲樵子所薪何其不幸也

松子爲滇果第一中國所產細不中噉必資于關東三稜而



黃滇所產色黑面圓而底平其松身似青桐葉五鬣七鬣而深濃高不過一二丈此結松子之松也毬長一尺火煨而剝之兒童爭啗如包穀迄至成熟大擔而塞于街值不甚高市升僅數十錢

蘋婆果南中最少而滇出盈街

佛手柑之大者直如斗重三四斤皆可生片以擺盤此物經霜不落在枝頭歷四五年秋冬色黃開春回青吳學使應枚詩碩果何曾怕雪霜樹頭數載歷青與是也

核桃以漾濞江爲上殼薄可捏而破之

葡萄滇南最佳然不能乾而貨于遠櫻桃楊梅枇杷木瓜榛榧銀杏亦然過時則不可得惟楊梅尚有酒浸之者耳

波羅蜜安南名曩伽結波斯名婆那娑拂林名阿薩驪南方番國產也而雲南早有之考前明統志永昌土產波羅蜜實大如瓜味甘酸想統志亦因郡邑志而載之者必實有此果也范志桂海既有此果滇海豈其獨無而滇志及新永昌志俱遺之何其闕也果之巨者無如椰子波羅蜜波羅蜜梵語味甘也李時珍云今嶺表滇南亦有之樹類冬青高五六丈葉極光淨實出枝間大如冬瓜重五六斤剝去層皮味極甜



美  
優曇鉢一名無花果李時珍曰出揚州及雲南折枝挿成樹  
如枇杷實出枝間如木饅頭其內虛軟鹽漬壓扁充果食又  
文光果天仙果古度子之屬皆不花而實者也

探子賦于吳都與留子並著李時珍曰探留二果名留一作  
劉三月著花結實七八月熟色黃甘酢生交廣武平興古諸  
郡夫興古則今曲靖府也劉子出于曲靖則探子亦同與禦  
霜矣

枳椇于滇人呼爲拐棗此皆山果之瑣碎雜橡栗而羅生者

亦附著之以見山氓之所資爲利養不可畧也

落花生爲南果中第一以其資于民用者最廣宋元間與棉  
花蕃瓜紅薯之類粵估從海上諸國得其種歸種之呼棉花  
曰吉貝呼紅薯曰地瓜落花生曰地豆滇曰落地松高雷廉  
瓊多種之大牛車運之以上海船而貨于中國以充包苴則  
紙裹而加紅簽以陪燕席則豆堆而砌白貝尋常孟杓必資  
花生故自朝市至夜市爛然星陳若乃海濱滋生以醃油爲  
上故自閩及粵無不食落花生油且膏之爲燈供夜作今已  
遍于海濱諸省利至大性宜沙地且耐水淹數日不死長江



黃河沙地甚多若遍種之其生必大旺今棉花種子南北幾  
壓桑麻若南北遍種落花生其利益中原尤厚故因此志而  
推言之

百合花旗俗以揮瓶而其實則比佳果以爲饋出于曲靖南  
甯宣威且洗之以爲粉清香粹美滇俗以臨安藕粉南甯百  
合粉宣威蕨粉充官場餽送

慈姑烏芋滇皆有之同江鄉綱目以入果部慈姑一根歲生  
十二子如慈母之乳諸子故以名之一名白地栗謂地栗之  
白者別于鳧苾之黑也霜後葉枯根乃練結旋掘爲果煮以

灰湯他處慈姑麻澁而省上不然則治之有法也

烏芋鳧苾俗呼勃薺滇產有大如盃者比栗爲大蓋滇無巨  
栗故地栗爲洪耳

蔗糖名目至多而合子糖尤盛元謀臨安之人多種蔗熬之  
爲糖糖凝堅厚成餅二餅相合各合子糖臨安人又善爲糖  
霜如雪之白曰白糖對合子之紅糖也其買賣大矣

榧實一名玉山果由坡公發明之也爾雅椌粘椌轉爲裴裴  
轉爲棐棐別爲榧粘省爲杉其有實也曰榧子陶公別錄曰  
榧實生永昌椌子生永昌山谷予于滇筵每食榧子詢之則



自永昌販來者也其木栢本杉葉而松理肌細輒堪爲器用  
乃思古人之槩几用此木爲之也實殼薄不似松子堅硬可  
生啖亦可焙收一樹可收數十斛江西玉山有之能治小兒  
蟲疾坡公詩彼美玉山果餐爲金盤實駢出三彭蟲已我心  
腹疾玉山果由此名也椈葉似杉絕難長結椈實而木理有  
文采爲特異杉耳金沙江峒板皆杉板也想卽椈木也歟椈  
生于荒谷人跡罕到鋸其板內有龍腦香則其外之發爲椈  
子歲收數十斛又何足奇以江鄉習見之木料絕不經意今  
乃于邊遠紀載而得之爲學之道不可不隨處留心也

崖蜜出於滇山民因崖累石爲窩以招蜂而蜂聚其蜜甚白  
真川蜜也初涖農部時值甚賤近今客來收販漸昂矣亦地  
方之利也嘗得蔣先生服茯苓方茯苓三十斤白蜜三斗蒸  
搗三萬杵服之眼能夜視發神光農部辦二物甚便彼時樂  
酒肉穿腸道在心那暇及此今悔之甚武定山民有養至百  
窩者家大饒俗因謔爲蜂王若和茯苓而服之豈不成蜂仙  
乎

桂范志取冠卷首謂南方奇木上藥第桂林不產產於賓州  
宜州是其所見者賓宜之桂也今世重交桂雲南與交趾接



壤蒙自開化本屬古交州其地舊以產桂流傳其人又往往  
爭入交州作桂所言必得其實其言云行入桂山桂自爲林  
高四五丈更無雜樹呂覽所謂桂下無雜木爾雅云侵木桂  
言能侵害他木不容植信有然矣其盛如此若每樹可以爲  
桂則卻車而載何足難價值當賤如糞土顧入林千萬樹不  
知何樹已降成桂猶採檀香者千萬檀樹不知何檀已降成  
香嘗有往來歇宿於樹下數十年不知其樹已成桂一旦得  
之集工力而作之又恐土司之駢逐趕散幸得不散採取盈  
堆羸絀又由於出汗出之佳者固大羸出之劣者轉大絀此

乃存乎各人之命運求之者如牛毛得之者如麟角所以入  
山老死不能得一當桂可易言乎哉俗言交趾山已採盡所  
以桂價高於今乃知不然桂爲奇木上藥神靈守護今以林  
木之盛周數百里如此入林之求垂千百又如此經年累歲  
不能獲誠奇木哉

桂爲奇木以上藥顯檀爲神木以妙香聞論檀則滇南各州  
郡俱有之而至於爲香惟永昌志載有趕檀香明一統志載  
八百大甸出白檀香檀爲善木故從亶亶者善也有黃白紫  
之異江淮河朔俱產檀然不香檀香出廣東雲南及番國三



檀並堅重清香而白檀尤良釋氏呼爲旃檀言離垢也第南  
徼所產亦不能盡香而其降而成香千百林中或有其一二  
物以少爲貴也道書謂爲浴香不可燒供上真此故爲歧言  
不足辨也其材之中於物用者甚多卽無香亦應志而不遺  
也

滇爲蜀都南境又南則界連交廣屬吳都故三都於蜀則稱  
其木木蘭檉桂杞櫛椅桐椶榔榿樅梗柗谷底松柏山峯雖  
寫北境而南境亦然於吳則稱楓桺豫章栢欄杓榔懸旄  
檣文壤楨櫃平仲君遷松梓古度楠榴之木相思之樹皆互

文迭見者則諸木於滇無不有者也

滇南之松大利所自出其實爲松子其腴爲茯苓凡松皆有  
子而細不中噉惟滇南松子巨同遼海味更過之故以爲甲  
天下然所行不出滇境未有販而至於外省者至今內地人  
尙不知雲南之松子也至於茯苓天下無不推雲南曰雲苓  
農部舊多老松出茯苓清江客入山作之先散錢帛於山岷  
山岷得茯苓必歸於客曰茯苓莊先入林不知何處有茯苓  
也用鐵條斲之斲之而得乃掘而出往往有一枚重二三十  
斤者亦不之異惟以輕重爲準已變盡者爲茯苓變而有木



心之存者爲茯神非一物也客言茯苓全在出汗如肉桂其  
羸絀存乎時命焉茯苓無取其大惟以皮帶核桃紋者爲佳  
於是乃知古人之稱斲茯苓必斲之而始得也松林之大或  
連數山或包萬壑長數十里周百餘里斲之必於其林不能  
於林外斲也往時林密茯苓多常得大茯苓近來林稀茯苓  
少間或得大者不過重三四斤至七八斤未有重至二三十  
斤者客言如此然客運纍纍大半從農部至則地之出辦亦  
大矣故曰滇之茯苓甲於天下也江浙高山亦種苓其法斲  
巨松以藥塗其節而埋之引其汁流而結茯苓是知茯苓由

松始出故古名松腴也衢州龍遊諸山亦知種苓而惟安慶  
惟盛大舫大客載之曰安慶茯苓自安慶茯苓行而雲苓愈  
少貴不可言矣李時珍汪詡菴之書尙不言雲苓雲苓之重  
當在康熙時近來又有安慶茯苓出想其功用不下於雲苓  
故行也

杉蓋松之類故二賦言松不言杉良以杉統于松也故滇人  
曰杉松故其材中樺榜南方諸省皆有杉惟滇產爲上品滇  
人鋸爲板而貨之名洞板以四大方二小方爲一具板至江  
浙值每具數百金沙司收其稅爲滇中大錢糧古時由金



沙江水行直下瀘州敘府前明遺牒所謂安監生放板是也  
數百年來金江阻塞舟楫不通人負一板抵省又自省抵各  
路水次腳價之費何如宜其貴也

普洱茶名重於天下此滇之所以爲產而資利賴者也出普洱  
所屬六茶山一曰攸樂二曰革登三曰倚邦四曰莽枝五曰  
蠻崙六曰慢撒周八百里入山作茶者數十萬人茶客收買  
運於各處每盈路可謂大錢糧矣嘗疑普洱茶不知顯自何時  
宋自南渡後於桂林之靜江軍以茶易西蕃之馬是謂滇南  
無茶也故范公志桂林自以司馬政而不言西蕃之有茶頃

檢李石續博物志云茶出銀生諸山採無時雜椒薑烹而飲  
之普洱古屬銀生府則西蕃之用普洱茶已自唐時宋人不知  
猶於桂林以茶易馬宜滇馬之不出也李石於當時無所見  
聞而其爲志記及曾慥端伯諸人端伯當宋紹興間猶爲吾  
遠祖檀倬墓志則尚存也其志記滇中事頗多足補史缺云  
茶山有茶王樹較五茶山獨大本武侯遺種至今夷民祀之  
倚邦蠻崙茶味較勝又順甯有太平茶細潤似碧螺春能經  
三瀹猶有味也大理有感通寺茶省城有太華寺茶然出不  
多不能如普洱之盛



椶椰栴檀檳榔皆同類高五六丈而椰實滴酒栴椰  
屑麪尤有資於人江淮之間亦有椶但剝皮爲繩索及笠單  
之用亦利益矣而緬甸樹頭酒則滴自椶已詳志酒下栴椰  
屑麪出自興古今曲靖諸處也詳於漢註賦於蜀都豈其虛  
言而近代以來未有此麪豈今昔之或殊哉栴麪與檀布印  
杖菊醬四者爲蜀都異物予居滇數十年絕不之聞故妄擬  
以木棉爲檀其布卽檀布栴椰材中轆扛一具幾數十金其  
爲利用亦有由也范志云栴椰木身直如杉又如椶櫚有節  
似大竹一幹挺上高數丈開花數十種綠色不言屑麪予在

博羅所見栴椰亦如范志而吳都樓木註云樓木樹皮中有  
如白屑者乾擣之以水淋之可作餅如麪交趾盧亭有之則  
屑麪者乃樓而非栴椰或古人混二名而一之耳又按李時  
珍綱目引諸說謂栴椰有姑椰麪木董僂鐵木之異名蘇恭  
謂人家亦植庭院間斫其麪大者至數石食之不饑劉恂謂  
樹皮中有屑如麪可作餅食陳藏器云彼方少穀常以栴椰  
麪和牛酪食之其爲出麪鑿鑿可據予遊滇粵詢之士人及  
諸生皆不聞出麪至言其材堅硬皮至柔可爲索抽鬚如馬  
尾以織巾子鹽水浸卽粗張以縛海船不用釘線有文而堅



可製博局剛利如鐵可作鈔鋤又可作槍鋒銳甚利卽不出  
麩而利用已多矣至如苾木麩者苾木卽上云櫟木也木似  
枕椰葉有簑衣之狀字應作櫟櫟莎同音故謂之苾木麩耳  
蜀記云生南中八郡樹高十丈許闊四五圍宜其出麩歲得  
數石之多也滇爲蜀之南中不其然乎

椰木出緬甸海濱諸土司皆有之似檳榔無枝條高十餘尋  
葉在其末如束蒲實大如瓠繫樹頂如挂物實外有皮如胡  
桃核內有膚如雪厚半寸似猪膏味美如胡桃膚裏有清汁  
升餘如蜜可愈渴核作飲器粵人以爲酒器及瓢盃能辟毒

所謂酒滿椰盃消霧毒也古度木不華而實子穿皮出如石  
榴正赤可煮食升菴賦之曰有木詭容在蜀之東云云則滇  
亦有古度耶

楠木從南南方多有之楠與梗爲類幽藹於谷底則生於谷  
壑也各省皆有之而滇出尤奇蓋滇多地震地裂盡開兩旁  
之木震而倒下旋即復合如平地林木人居皆不見閱千百  
年化爲煤掘煤者得木板煤往往有刀剪器物或得此木謂  
之陰沉木以製什物尤珍貴之蜀賦梗柟吳賦楠榴楠榴者  
柟木之瘤也其瘤之盤結節尤好以作器具最精巨者以爲



棹面尤佳至陰沉木則不可多得矣柁爲良材棟梁舟船用甚大而亦神木故江湖多立廟祀之

竹木之利至大江陵千樹荻渭濱千畝竹皆與萬戶侯等爲其水道通而布其利於四方也滇非盡不毛也名章巨材周數百里皆積於無用之地且占穀地使不得藝故刀耕火種之徒視倒一樹以爲幸蓋金江道塞旣不得下水以西東浮而夷俗用木無多不過破杉以爲房聊庇風雨宗生族茂詎少長材雖擢本垂蔭萬畝千尋無有匠石過而問之千萬年來朽老於空山木之不幸實地方之不幸也哀牢之山長千

里中通一徑走深林中垂一日若使此山之木得通長江其爲大捆大放不百倍於湖南哉前人有見於此故議開金江然金江斷難開者天道使然不容以人力爭也運值其通安知不大風大雷率羣龍而導之推其疊水散之使平破其洞穿徹之無壅不過一午夜之力原自易易若爭以人力則萬萬不能爲也

滇南瓜蔬最早冬蠟開筵陳新豆米正初卽進元謀之西瓜釀元江之大茄不能以常候拘也然先時爲味頗薄亦及候乃腴耳



滇南韭菜涉冬卽腴如黃芽其值甚賤入春則老矣阿迷出黃芽菜與石榴頗爲官民累不如落地松茸麻子大濟於地方近省城亦種黃芽以所從來者近不之異也

芋之巨惟滇南甲天下岷山蹲鴟狀鴟之蹲其高可想隴川之芋大有高一尺二三寸莖嫩花香可淪食烝其魁終年厭餐史公所以謂至死不饑左賦所以謂狗蹲鴟之沃者也芋多多拋棄乾而收之以築墻荒亂時盡室俱逃此家不去閉門食墻卒以俱全此見於古志所記旨蓄之家不可不知也故附著之

滇蕨滿山高至三四尺肥極土人但知摘蕨拳不知洗粉聞宣威頗知洗之若人皆知洗又爲地方增一貨物也

萊菔俗名蘿蔔又名蘿白滇產白者其細膩固可佳而紅者奇益甚凡紅皮必肉白天下皆然而滇之紅蘿白通透玲瓏中間點微紅如美人劈破胭脂臉最可愛玩至其內外通紅片開如紅玉板以水浸之水卽深紅粵東市中亦賣此片然猶以蘇木水發之茲則本汁自然之紅水也羅次人創而乾之以爲絲拌糟不用紅麴而其紅過之

漢元狩問張騫使大夏見邛竹杖問所從來曰邛西二千里



身毒國所產遂遣使至滇指求身毒身毒今天竺也距麗江  
可二千里又廣志云永昌有濮竹圍三尺餘大者一節受一  
斛可為船小者數升可為檣楫杜詩籠竹和煙滴露稍籠吐  
蕃地名也舊唐書吐蕃傳有籠官大籠官又韋臯傳擒籠官  
四十五人則其地產竹因以名之耳張南園漫錄載之  
鈎藤藤也可以釀酒土人漬米麥於甕熟而着藤其中內注  
沸湯下燃微火主客執藤以吸按鈎藤即千金藤主治霍亂  
及天行瘴氣善解諸毒其功似與檳榔同也  
樹頭酒緬出其樹類櫻櫚高五六尺結實大如掌緬人納麩

甕中懸之實下劃實使汁入甕入則成酒其葉即貝葉也古  
以寫經今緬以書字

檳榔樹高十餘丈臨安廣南諸郡有之葉如芭蕉花如金粟  
實如桃李土人四剖其房并實乾而貫之食者佐以石灰及  
扶留扶留蔓子也似桑椹而綠味辛烈其功消宿食祛瘴癘  
故閩廣人亦噉之但閩廣人於檳榔去皮而噉寔於蔓噉葉  
而棄子此為異耳石屏張漢滇檳榔賦云羅盤之甸禮社之  
江檳榔產元江府江名玉臺諸峯之側銀生節度之邦城西  
禮社宋為羅盤甸山二十五峯頗蒼秀唐屬銀生府節度使距義叔南交之宅南距交鄰禹貢黑水趾甚近



之疆江西瞰瀾滄江即黑水酷暑兮同十日之並出窮冬兮睇百里而無

霜地暑甚冬無霜雪爰生嘉種厥號檳榔宜蠻烟與瘴雨亦負陰而

抱陽陶貞白云陰為大腹子陽為檳榔彼其勁節參天亭亭獨立不蔓不枝

春華秋實樹如棕一本甚高黃英鞞鞞兮穗結雲垂香霧噀人兮衆

香之國花如苗其香甚烈中之即瘴丹楓江上夕陽紅朱樹蟠根同一色

下有草名血樹紫氣氤氳麗質凝又名紫檳榔纍纍綠珠紛可摘爾乃登

之綺席盛以瓊盃手劈混沌之竅中含太極之圖既同條而

其貫亦外枯而中腴礪金錯以平分宛魚符兮半璧抵摩尼

之一串復蚌甲兮銜珠分爲兩半以細紫藤貫仁成串佐以扶留之實採諸

哀牢之墟蘆爲扶留藤合啖之出永昌府者佳奪炎帝司天之色借媧皇煉石

之餘佐以石灰少許色殷紅可愛白應受采赤豈近朱餌丹砂與白石比

勾漏以何殊鄧郁細餐雲母屑季倫怒擊珊瑚裂吐吞絳雪

咀流霞歎成石壁桃花赤暈紅粉兮雲英宛瓊漿兮載啜燕

支未點絳唇股玳瑁微斑纖指涅唾珠滿地赤水凝咳玉九

天紅冰結吐袖遙添萊綵斑舐毫淡染江花醇赤瑛盤裏比

櫻桃以猶鮮探春晏中薄杏花兮紅雪第其色以荔枝爲奴

降其精豈乖龍之血試傅粉之何晏汗浹然以潮生啖之近

含香之荀令載齒頰以猶馨自啖不覺香聞啖異香祛青草黃梅之瘴



南方春為青草瘴夏黃梅瘴檳榔可辟甚煖回冰天雪窖之春其沉醉也入醉

鄉而非釀頓遜國可以無花其解醒也起玉山於既頹興慶

池可以無草其破悶也似盧仝之茗戰腋底風生其療飢也

似王質之窺枰山中得棗鶴林玉露著其德有四醒能使醉醉能使醒飢能使飽飽能使飢

其為體也與玉帛為庭實其為質也與榛栗為賓從滇人以此為禮

權之者與仙掌龍團賦諸王室時之者與涓川千畝列為侯

封蔣者成園園有長以園多為富至若珠崖儋耳同名別類粵中有檳榔紫不可

以奪朱亦偷香而避味著奇效於藥籠致三蟲之引退味由

苦而得甘乃君子之所貴然而產南越者時見歌詩仙藥錄

註命名之別長為楮短為榔又有仁異物志珍口實之宜載

其形甚詳且云珍為口實玉為案兮珠為盤得肩吾之佳語鳳之卵兮龍

之乳亦東坡之麗詞仁類異名出諸上林之賦鶴林玉露註

彼四德之奇喜南遊之逢朱子如佳士之得品題朱文公有食檳榔詩

何滇產之尤僻乃題咏之獨希豈遷其地不能為良獨產抑

遠其方不以八貢長者之目兮未邀為俞益期之隱痛俞益

韓康伯箋詳言檳榔之妙未謂遠然吾重吾之偏嗜兮與羊

棗而並傳為特闡其幽芳兮比茶經與橘頌

大理賓川之黃柑色味甚佳大者如椀謂之獅頭柑舊志謂



北勝州產非也自秋及春皆噉之香椽尤大如瓜味勝閩中  
遠甚猩猩果曲靖大理俱有之高數丈春花秋實狀如彈丸  
色如血故名味酸可食

雞蔓菌屬以形似名永平產者最佳以六七月大雷雨後生  
沙土中或在松下林間鮮者多蟲間有毒出土一日卽宜采  
過五日卽腐采後過一日卽香味俱盡所以爲珍土人鹽而  
脯之熬液爲油以代醬豉亦作塿集韻塿土菌也蔓者鳥飛  
而縮其足之象雞取其形或作蟻誤也余按古人謂蕈爲樹  
雞唐肅宗取作博子與張良娣戲者名或取此又有白生牛

乳菌柳菌松菌皆其屬也而味不逮蒙榆山中亦產天花而  
土人不識謂之八担柴昆明楊永芳雞蔓賦云維滇南之異  
產兮別其品曰蒙嶽稟山川之和氣兮擢孤秀于龐茸常居  
幽以善晦兮入塵市而不逢大烹庶幾適用兮小畜可以禦  
冬爾雅以南荒見略兮食經欲搜錄而無從世或虞其瘴癘  
兮胡爲遍列于鼎鐘聞諸劉靜修先生凡物必勝其氣兮乃  
能邁種而獨穠爾其植不待扶兮表亭亭之修幹實不尙華  
兮似膠膠之羽翰雖齒齒以成文兮混櫻筍而不亂類田田  
之爲蓋兮比雞頭而尤粲脯脆于蒸梨兮縱無魚而奚嘆脂



濃于燒芋兮卽有鵝而不換通雅之載雞菱兮固易名而輕  
竄玉篇以爲土菌兮亦無知而妄斷嘗考食有四品兮饌交  
錯夫八珍蓼同濡于四物兮味必和夫五辛筍掘揚妃之指  
兮瓠啟齊姜之唇蕨開拳于鈎弋兮菰見咏于唐人子瞻惟  
嗜巢菜兮張翰馳想于絲蓴十八品晒高陽之貴兮廿七種  
嗟庾子之貧戲器之參玉版兮嘲與可飽渭濱泣豆萁于子  
建兮齧萊根于信民某也木恆病于多瘿兮柳漫生于其肘  
恥越俎而代庖兮惟茹草而飯糗儲新菊以爲糧兮削松肪  
而求壽驚干夢之踏園兮訝蛇紋之入口學蒙誦于蹲鴟兮

才莫預于薪樗將大嚼于屠門兮甯染指于葶白獨此物之  
逸羣兮恣老饕之濡首則將指蓬蒿之勝處兮闢草萊而幽  
居采雲峯之駝白兮拾雨岫之內芝襲清飈以作扇兮取陽  
燧以爲炊配坎離之二氣兮辨旨否于五臠添骨中之綠髓  
兮換頰上之白髭招麴生而擁篲兮佐雕胡而抄匙薄姜芽  
之盜母兮願蘆菹之生兒彼綠葵與紫莧兮徒取媚于容姿  
卽春韭與秋菘兮詎足方其旨飴斯真可小越人之四海兮  
而擅食品之一奇

馬金囊其味似文官果文官樹生而此蔓生也咀之飲水留



甘不散一云傳惡瘡良

大理上關和山之麓有樹高七八丈葉如桂花開白色每朵十二瓣以應月數遇閏輒多一瓣相傳仙人所種更無別本土人因其地名之和山花豫章鄧漢詩有云此花種來不知歲要識歲功驗花蒂霜葉青青雪作葩風前十二釵橫斜又云古來才士有素置不信請看和山花

龍尾關以西山中產和木肌理膩白而甚鬆如南方杉木然取以為器絕佳

古度臨安賓川山中俱有之記云不花而實實從皮出大如安石榴色赤可食實中有如蒲梨者取之為糗數日不煮皆化成虫如蟻有翼穿皮飛出俗謂之無花果楊慎古度賦曰有木詭容在蜀之東脩梯盤壤巨幹撐空闕華青帝垂實元工蓐收傳紺屏翳敷紅子穿皮出房殊卉叢膚無纖蠹腹育飛蟲又曰炬比景灌萐露果星燭葉雲布楠榴相思為黨鄰平仲君遷為朋故君子識之是曰古度

滇中茶花甲於天下而會城內外尤勝其品七十有二冬春之交霰雪紛積而繁英豔質照耀庭除不可正視信尤物也豫章鄧漢稱其有十德焉豔而不妖一也壽經二三百年二



也枝幹扶疎大可合抱三也膚紋蒼黝若古雲氣尊鬣四也  
枝條夭矯似麈尾龍形五也蟠根輪囷可几可枕六也豐葉  
如幄森沈蒙茂七也性奈霜雪四序常青八也自開至落可  
歷數月九也折入餅中旬日顏色不變半含亦能自開十也  
為詩一百韻賞之其紫薇樹猶極繁盛皆高十數丈蔭數畝  
許公署尤多盡千百年物也自夏徂秋紺英照庭庶令人留  
連吟賞不忍捨去足稱二絕

地湧蓮高二二丈形類椶櫚花如蓮亦名木蓮其小而蔓生  
者曰西番蓮雜足僧寮多植之

走雄之響水坡產蘭甚繁楊慎稱其葉大而香遠實離騷所  
稱可佩之真蘭莖葉皆香不獨花也為賦采蘭引云秋風衆  
草歇叢蘭揚其香綠葉與紫莖猗猗山之陽結根不當戶無  
人自芬芳密林交翳翳鳴泉何湯湯欲采往無路跼步愁褰  
裳美人馳目成要予以昏黃山谷歲復晚脩佩為誰長采芳  
者何人蓀芷共升堂徒令楚老惜坐使宣尼傷感此興中懷  
絃琴不成章

血樹似芭蕉枝葉如血根幹紫黑色高七八尺惟臨安間有  
之高第詩血樹真如血染成細看疑是赤龍精與君不惜連



淋話試聽中宵風雨聲

念珠樹生大理之下關每結穗百有八顆相傳元時有日本僧四人同日坐化棄念珠於地而生

赤藤產緬甸朱色可爲杖緬婦笈之以爲腰飾唐元微之詩交親過滄別車馬到江回惟有紅藤杖相隨萬里來韓愈赤藤杖歌赤藤爲杖世未窺臺郎始攜自滇池滇王掃宮避使者跪進再拜語嗚咿繩橋拄過免傾墮性命造次蒙扶持途經百國皆莫識君臣聚觀遂旌麾共傳滇神出水獻赤龍拔鬚血淋漓又云義和操火鞭暝到西極睡所遺幾重包裹自

題署不以珍怪誇荒夷歸來奉贈同舍子浮光照手欲把疑空堂晝眠倚牖戶飛電着壁接蛟螭南宮清深禁闈密唱和有類吹埙篪妍詞麗句不可繼見寄聊且遺分司又裴夷直南詔朱藤杖詩六節南藤色似朱拄行堦砌勝人扶會須將入深山去倚看雲泉作老夫

楚雄山中產斑竹不規而圓節去逾尺作筴殊佳謂之天生筴記云雲南有實心竹文采斑駁殊好可爲器物卽此

安寧溫泉西岸有寺曰曹溪其中有曇花樹一株相傳西域來者扶疎百尺綠葉白花移葉他種終不復活其溫泉之側



有無名樹僅四五尺蟠根石巖四時不彫亦不復長楊用脩遊其地有瑤草蟠千歲之語今距用脩又且百年矣而形質如故不知其為何木也

瑣梅草實也似桑椹而短味亦似之其採以三月又有草叢生山徑白花若薇子亦可啖四五月間行者茹之謂之救軍糧

魏武帝四時食製曰滇池鯽魚至冬極美今滇河冬月產者最佳腹中白腴長六七寸若切麪然烹之甚美楊慎贊云滇池鯽魚冬月可薦中含腴白號水母線北客午餐以為麪續

魏武未嘗至滇豈亦得之傳聞耶樊綽南夷志蒙舍鯽魚重者五斤然未之見

西洱河產公魚一作魴又作弓僅如指長三寸許而甚佳楊慎圖贊云西洱弓魚三寸其脩誰書以公音是字謬又晒多子亦孔之羞慎嘗作戲語云大理公魚皆有子雲南和尚豈無兒張志純曰工即江也古韻江亦音工陶淵明詩時雨濛濛平陸成江李翱別瀾山神文我亦何功路沿大江未知是否又上關石穴中八九月產油魚視魴更小而肥美過之炙則腴溢趙州產丁魚又小僅如釘耳諸河中蚌蜆充物人無



捕者螺大如拳有黃有卵有腐秋夏之交盈肆亦奇錯也

細鱗魚產金沙江中大者三尺許肥甘異常魚龍尾關瀾水中亦有之而味不及也激江江中產大頭魚尤佳江川又有濂竇魚二水相通而二魚不相往來見則交嚙

鶉鷄水鳥也出通海然非土產每歲以上巳前來重陽前去來時以夜羣飛聲如雷其形金頂紅嘴色類鴉身似鷺烹之香脆柔美甲於水陸之鳥宦激江者謠云濂竇不入湖大頭不入海十年萬里滇雲夢惟有鶉鷄沒處買

山呼似鸚鵡而差小樊之易馴宋蘇軾咏籠中山呼詩終日

鎖筠籠回頭惜翠濃誰知聲嘒嘒亦是意重重夜宿煙生浦朝鳴日上峯故巢何處是鷹隼豈能容

唐咸亨中永昌之西野桑生石上其材上屈西向而下直南詔取以爲弓不筋漆而利名曰蜎弓今鶴慶產巖桑猥猥取以爲弓發矢千步其遺種也

百鵲膽亦夷地草滴脂淚而成凝黑若飴味苦甚故名也又謂之鴉覽亦名黑藥治小兒五疳最良解巴豆毒及頭癬齒蟹服過七分者死

阿魏亦出者樂旬相傳大樹凝脂下洒着物卽化市之鬻者



皆其化也故諺曰阿魏無真此物極臭而能止臭殺蟲消痞  
辟瘟治瘡諸鬼物畏之一曰合昔泥夷人以淹羊肉甚美  
唵叭香不知何物所製以其國名氣味稍似阿魏可和諸香  
蕪之昔人有賃凶宅者既知其凶不得便徙橐中有唵叭香  
取焚之數夕中夜聞鬼物語曰彼焚何物令我頭痛不堪亟  
避之翌日宅遂清吉無患香又有白檀甘檀紫檀青木降真  
諸種而麝爲之最然土人不知製香售之沽客而已棘供皆  
劈檀榆之屬蕪之

緬茄枝葉皆類家茄結實似荔枝核而有蒂土人雕刻其上  
而繫之腰點目去翳亦解瘡毒緬豆者如豆蔓生子極細斑  
文點點咀之傳瘡良然性迅惡誤服必致死又有神黃豆調  
水飲能解痘疹毒然亦不甚驗也

白龍鬚草名出蒙化永昌間有大毒祛風發汗軟人肌骨治  
痿痺最效然每服止可二三分至五分極矣須以無灰酒煎  
之或與烏骨鷄同煮服後仍坐密室三日不可風溼人不甚  
用惟女子洗足用之云骨軟易纏也

人參出姚州及大理山中性視遼產燥烈不可服土人亦不  
知製也其小而脩者曰竹節參性彌緩

又有孩兒佛掌珠  
子等名佛掌差良



高河菜似芹菹之良出黠蒼之高河故名相傳云採者不可  
有聲聲則致雷雨

催生石亦出西陲山下色翠而間以白作酒器飲之云能治  
產難然不甚驗至於紫英雲母石青深綠石黃地所時有不  
足珍也其他如水精綠玉墨玉碧璫古喇錦西洋布孩兒茶  
之屬皆流商自猛密迤西數千里而至本非滇產也而爲滇  
病最甚然後漢書已稱永昌出金銀光珠琥珀水晶瑠璃軻  
蟲蚌珠孔雀翡翠象猩猩貂獸以今較之又不逮矣

永昌人善造料絲初由鎮守內使有之珍秘殊甚永昌人試  
效爲之及成反精於彼又長大數倍其法以紫石英赭石合  
饒磁諸料煨之於烈火中抽其絲織以成片加之綵繪以爲  
燈屏故曰料絲李文正公以爲繚絲誤矣又以瑪瑙合紫石  
粉而煨之以成碁子瑩潤細膩甲於天下

布以永昌之細布爲佳有千扣者其次有桐花布竹布井口  
布火麻布莎蘿布象眼布而洱海紅花膏染成最艷謂之洱  
紅永昌善造青謂之金齒青其直獨倍也所以南中志云有  
闌干細布闌干獠言紵也文如綾錦華嶠後漢書云哀牢夷  
之染綵紵布織成文章如綾錦有梧桐木葉績以爲布幅廣五



尺潔白不受垢汚先以覆仁人而後服之今西洋布豈其遺種耶

南詔通紀云兜羅綿出金齒木邦甸又有火草布草葉三四寸蹋地而生葉背有綿取其端而抽之成絲織以為布寬七寸許以為可以為燧取火故曰火草然不知其何所出也紙出大理蒸竹及穀皮為之其水必用藥師井者良膩而不燥謂之清抄可以久藏但差狹小耳其用米粉抄者鮮白有餘而善腐蠹字書易脫若華亭粉箋然其製稍長滇無柬紙以故代之

石屏劍川亦產硯然不如瀾渡天生硯尤佳惜不多得

蘇易簡曰雞足山古松心燒煙為墨最佳今大理工人取松烟膠和入丹砂雜以腦麝硫黃為之雖不及歛墨之良較之他處稍勝然歛墨用油煙非古法也曹子建詩云墨出青松煙仇池筆記真松煤造煙自有龍麝氣則滇猶有古之遺法也但持以作字一點如漆不能不遜新安耳

桂海虞衡志云蠻甲惟大理國最工甲冑皆用象皮胸背各一大片如龜殼堅厚與鐵等又聯掇小皮片為披膊護項之屬製如中國鐵甲葉皆朱之兜鍪及甲身內外悉朱地間黃黑漆作百花蟲獸之文如世所用犀毗器極工妙又以小白



貝纍纍絡甲縫又裝兜鍪疑猶傳古貝胄朱綬遺製云  
又云雲南刀卽大理所作鐵青黑不銹南人最貴之以象皮  
爲鞘朱之上亦畫犀毗花文一鞘兩室各函一刀靶以皮條  
纏束貴人以金銀絲今大理無刀惟鶴慶刀劍馳譽四方其  
法取古宗鐵濯以鶴川水利可割犀柔者可以繞腹然古宗  
鐵不易得質之四遠者皆凡鐵耳而以金銀裝飾取媚無當  
於用也書刀則新興安甯者良

緬鈴相傳鵬精也鵬性活毒一出諸牝悉避去遇蠻婦輒啄  
而求合土人束草衣絳衣簪花其上鵬鵠之不置精溢衣上  
跳躍不休采之裹以重金大僅如豆嵌之於勢以御婦人得  
氣愈動然秘不外售殺夷取之始能得滇人僞者以金作疾  
藜形裹而搖之亦躍但彼不搖自鳴耳一名云太極丸

景東蒙化之間夷民能織斑絲蓋亦土蠶之繭織成紫白相  
間如記所稱吉貝者劉禹錫詩蠻衣斑爛布其謂是耶然幅  
狹而短不堪作衣耳

劉恂有親表曾奉使雲南緬中豪族名家養象負重致遠如  
中土之畜牛馬也蠻王宴漢使於百花樓前八舞象曲動樂  
作優倡引入象以金羈絡首錦繡纏身隨拍騰踴異物志曰



象之爲獸形體特詭身倍數牛目不踰豨鼻爲口役望頭若  
尾馴良承教聽言則跪素牙玉潔載籍所美服重致遠行如  
邱徙唐咸亨二年周澄國遣使上表言訶伽國有白象首垂  
四牙身運五足象之所在其土必豐以水洗牙飲之愈疾請  
發兵迎取象膽隨四時在四骸春在前左夏在前右如龜無  
定體也鼻下有爪可拾針肉有十二般惟鼻是本肉陶真人  
言夏月合藥宜置象牙於藥旁南人言象妬惡犬聲獵者裹  
糧登高樹構熊巢伺之有羣象過則爲犬聲悉舉鼻吼叫循  
守不復去或經五六日困倒其下因捕獲之耳後有穴薄如

鼓波一刺而斃胸下有小骨灰之酒服令人浮水出沒多食  
其肉令體重古訓言象孕五歲始生也

普洱入思茅古道甚險 本朝康熙二十年車里有神象至  
普夷人跡之自崖而返象從一高嶺下行人步追之遂成通  
道卽今之班鳩坡也今普藤河畔有象足跡大如斗云  
呈貢縣村民畜一犬甚馴其妻往山採薪幼女隨之不及俄  
大雪薄暮負薪歸女與犬俱不見明晨邀村人尋之見女臥  
大樹下犬偎依其旁得不死咸驚異焉聞諸官乃雍正十一  
年十一月事



滇茶滇梅皆甲天下而梅之古者昆明龍泉觀之唐梅騰越  
之魯梅唐梅題咏甚夥且繪圖以當土物業之者數家魯梅  
則趙光祿文哲會賦五古云去年日南至我從戰場回蕭然  
騰衝城扶病訪魯梅主人久遷徙池館封蛛埃老梅逃小劫  
獨荷天栽培其本四五抱盤盤如古槐年深腹空盡蒼皮化  
爲苔幽香死不歇况有東風催炎陬雪意薄吹作五出開花  
開在何許濛濛白雪堆獨遊愛寂寞時復攜芳疊翠禽似留  
客欲去復徘徊逝將與花別北轅向燕臺豈知一彈指花時  
我重來玉顏定無恙旅客增衰頹年年繫征馬魯梅良可哀

又咏山茶花云蠻語成狂謳蠻花發狂葩問花花無語聽我  
吟山茶山茶滇所獨隨地橫極杖最憶金浪巔羣仙抱含呀  
離立十萬株亂枝肆騰拏翠陰接如幄風日清且嘉一樹千  
朶花一花千縷霞蒸爲半天赤桑旭插光華無人爲培溉雨  
露天所加何不如海榴遠載博望槎每逢遷謫人攀條重咨  
嗟我謂花勿嗟爾生樂幽遐深深十笏廬曲曲六枳笆不須  
紛瓷貯不須繡幔遮凌冬避蜂蝶閱世纏龍蛇夫豈畏霜雪  
北土非我家松桂有同性將爲歲寒誇南州市花盛紅紫粉  
天斜頗聞芙蓉幙排堦鬪豪奢山茶吾與汝勿作姚黃花



滇樹無不有寄生者俗呼寄生草然其質則亦木也翠葉朱  
實葱蘢蒨蔚本樹反爲所蔽雖松柏之孤直閒亦不免趙光  
祿詩云南維暑寒互二氣凝乃戰女丁勝夫壬非春豔方煽  
花開不序信隨意朱碧炫無樹無寄生厥類無貴賤我思物  
相侮事必由已先去聲喬柯自亭亭特立絕攀援何來非種者  
如柳忽繁衍始知大冶力氤氲日潛扇雀矢遺斷粒雁銜落  
枯葭偶然著枒杈幽活如在暝濕生與化生可以觀物變厥  
初猶維天後遂大蔥蒨雨露本無私居高成獨便臭味兩差  
池謬托女蘿眷依附旣堅牢未大形乃見枝葉日飄零惟餘

蟲網罨物生必一本毛裏性所戀不然如室人利刃或親割  
所以歐陽子特著義兒傳

撫仙湖出窟窠魚土人鹽漬而晒之販諸四遠升菴謂其名  
不稱實甯州李檢討松齡賦云閬苑仙班銀河星使羅翡翠於  
炎州網珊瑚於海底培擊水之靈鯤燒登龍之錦鯉陽鱗驅  
盡風清東海之波涸鮒攜來雨澗西江之水觀夫仙湖灑瀚  
綠水漣漪一輪冰鏡萬頃玻璃吞星雲而漱灑瀉夾浦以流  
澌浴鷺浮鷗之澣施紈曬網之涯龜鼉蛟龍就其深矣鱣魛  
鰻鯉烝然來思爰有窟窠泳於水磧啖荇藻之微香吹浪花



之淺白浮光沈碧玉之峯疊浪回礫雲之澤明分涇渭獨銜  
鳥影於孤山義守關津不渡海門之界畫爾其膩勝脂凝柔  
同肪截骨鏤金鍼膚勻瓊屑曾依葦港截來數段蓼花偶過  
柳堤拖去萬條春雪佐東坡於斗酒客贈松江入杜老之筭  
筒人歌丙穴則有鳴榔舟子結網漁人施笊簪以濺濺傍白  
石之鄰鄰款乃聲中看興雲兮騰霧桔槔响處指貫魚兮比  
鱗於是發笥逝梁迴船鼓柁剖以芙蓉之鋒投以芍藥之劑  
沸金鼎以波清載銀盤而縷細不煩投箸而起吏傳陶氏之  
封底事彈鋏而歌客笑孟嘗之第別有乾腊含滋艇脯比鱗

晶鹽煮海飛六月之雪霜象箸披鱗瀉滿盤之珠翠允偕夏  
鱸冬鯉供鼎俎之奇珍豈必玉膾金齏羨東南之佳味

開門七件事蓋言油鹽柴米醬醋茶而酒猶不與近復興烟  
遂增七而八矣滇則醬醋亦可緩于烟茶之下即繼以檳榔  
予幼不嗜此每新正所得俱以分致弟妹昨讀月槎侍御賦  
極體物之能適太和胡進士<sub>之</sub>銑又以排律見寄云九州方物  
辨嘉果誌滇南名豈枕榔混功應荳蔻參千房明夕照萬顆  
帶秋嵐新嫩雞心吐微凹豹眼含綬藤穿若若錦殼護醃醃  
點綴珠盈珮封題翠一籃杉關通旅雁竹箐關叢蠶<sub>杉關竹  
箐元江</sub>



地從此芳馨播休嫌負販貪離鄉知賈倍列市匝迤三啟盒  
元正重登盤四序諳蘆條攪爛漫灰性和辛甘唾豔花分管  
咀華塵縱談閒情拋硯匣遺瓣雜詩龕爾室消岑寂賓筵助  
樂湛難逢妃子笑易惜女兒愁包裹青絲帕爬搔碧玉簪櫻  
脣霏絳淺桃頰暈紅酣適口期無缺充腸竟未堪舊傳山有  
瘴爭畏暑如煖帝錫膏肓劑人同膾炙耽衛生方集驗作貢  
品何慙漢使勞虛躡炎皇略遠探過門輕水火求木等梗楠  
記取仁頻號檳榔一各仁頻遙天雨露涵閱之覺故鄉之思勃勃紙  
上也

水車水碾水磨水碓皆巧于用水者也惟碓之爲利尤溥滇  
亦多此胡進士五言排律廿四韻云萬古烝民粒機舂水力  
鈿警驚雷奮地陡覺浪齊簷引重千鈞擲凌高一羽瞻剖珠  
辭老蚌擣藥悵明蟾勢欲鍼鋒對香從石齒黏持籌較羸縮  
掬瓣認洪纖井臼移深巷糠輿上短簾精瑩仙子饌麤糲腐  
儒饜柳約濃陰罩桃溪細漲添撲塵春漠漠聽雨夜厭厭宛  
轉縲車軋丁東漏鼓嚴量沙平野闊聚米碧峯尖何處鞦韆  
架誰家翡翠匳訂交榮縞紵作日省髡鉗貧戶晨昏急陳困  
日月淹嗷空憐雁瘦啄食感雞廉猫虎會通蜡螟螯早昇炎



歲從新稻改禮豈舊坊嫌擊筑隣謳雜攜尊社酒甜預防是  
欲溜休道突無黔會計田園勒神工碾磨兼歸擔盈白露回  
首渺蒼蒹村姥關心劇山翁養智恬斷橋吟句好待譜竹枝  
鹽別裁所錄七古尙覺欠其工切

蒙自山中有仙草菓圓枝細採其葉乾之一二年蘸以泉井  
或氣呵之復鮮茂如故此亦太和山萬年松之屬也

金剛纂木也青色狀如刺桐最毒土人種以編籬人莫敢觸  
滇程記云碧幹而蝟芒孔雀食之其漿殺人是已然以爲草誤  
也又有仙人掌花如黃玉果可食通體生刺同金剛纂二物  
皆負美名而性實甚惡

脆蛇一名片蛇產順甯大侯山中長二尺許遇人輒自斷爲  
三四人去復續乾之治惡瘡腰以上用首以下用尾又治大  
麻風及痢

蝮蛇產孟良山中土人欲取之先以雞卜問諸神得吉兆則  
入麓求之蛇見人輒伏不動夷人語之曰中國天子求爾膽  
爾可伏死否則吾亦不汝貰也蛇反背就戮今相傳云去膽  
復活者蓋謬說耳一蛇有三膽居頷下者以傳毒矢居腹間  
者入藥有病疽者以童便研一合服之又以傳患所頃刻而



愈居尾者棄弗用

明巡撫晉江陳用賓陳言開採疏

臣用賓荷國厚恩見陛下數年來爲國用不足勞心焦思恨不能爲陛下分憂共念取金則解取石則解取象則解大工興則濟工東師興則濟餉無一事敢拂聖意卽百姓輸將千愁萬苦之聲臣等程督千難萬難之狀亦不敢以聞自愧無回天之力而一意于終事之義也但滇南民力竭矣尙冀陛下垂慈庶幾民有息肩之日乃今開採新命其裨國用也甚微其誤國用也甚大不但大誤國用而且大妨邊計臣等不

得不據悃陳言臣等之言非敢方命實欲請命求國用邊計兩者俱得以便督行惟陛下稍垂察焉蓋滇環向皆夷非腹裡比漢土錯繡赤子蛇龍雜居不堪重賦通省稅糧不及中州一大縣之半先臣奏開礦場益以鹽課併奏留各部事例銀兩充兵食之需行之數十年矣然其所入有限所給無窮一遇兵興輒請四川南京協濟萬歷二十二年蜀中當事奏討原借餉銀奉旨雲南以后兵餉自處不得再借臣等長慮卻顧急爲自完于山澤礦鹽未盡之利督令各官盡行開究煎驗于原額五萬二千七百二十二兩之外增出三萬八百



八十三兩共計八萬三千六百餘兩而官兵月餉歲該一十二萬九千六百有零入不敷出臣等復于各處稅糧清之又于兵之可緩者銷之二十三年四月內臣等具疏奏聞其開挖礦場與舊額新增之數一一見于限兵處餉疏中經戶兵二部議覆奉有明旨先行矣邇來礦脈漸衰在在請閉又新舊貢金給發幫貼二價大約歲該六萬與助工東餉一切採石買象不急之需俱難措處臣等只得于兵食汰省將各項通融于礦鹽額鹽內支用蓋至是山澤靡有遺利而各場無有不開之礦亦無有無課之礦矣今千戶張國臣奏內所稱

朝陽洞灰窯廠沙木河望梁山中紫洞白松坡陸涼州瀾渥坑表羅場募乃廠等處胥係臣等督官開挖數內卽有一二未開加灰窯廠則見議開以補各消乏之數如募乃廠則在夸地不可以開矣否則如前日之所已開者若土民李拱極江應秋等乃平素革逐攪擾礦場之棍徒也頃接邸報奉有聖旨允差尙膳監太監楊榮督率原奏官民前來會同臣等撫按照例開採解進綸綍一項臣等敢不遵奉第前項廠洞已先開採挖課入額取與張國臣等再開進交則雲南額課應否報罷十三萬兵餉安出貢金價數萬安出濟工濟餉及



朝廷不急之需安出此其煩聖慮者一金礦臣等未之前聞  
卽貢金亦買自他省若寶井出產寶石則猛密地也三十年  
前已折入緬見爲思仁盤踞臣等議復尙未有便其地乃不  
毛烟瘴之區漢人入者十有九死張國臣奏往開採不知自  
已能率土民李拱極等往採乎抑欲臣等聚數千之兵與之  
偕往乎國臣等無班超三十六人之雄臣等未敢保其徑入  
若欲臣等集兵以威脅取必開邊釁此其煩聖慮者二展轉  
思維俱無一策臣等請爲陛下計莫若將張國臣元奏議解  
銀萬餘兩就責任臣等撫按督行各該府縣畢智竭力截長

補短于官四民六之例稍爲酌議歲輸內帑一萬之入寶石  
俟臣等恢復猛密之日令彼酋夸任土作貢雖未敢必實爲  
至願至于差遣官員悉免入滇如此可仰副王上開採之意  
而雲南貢金兵餉等項亦可取給內夸外夷之釁永可坐消  
策不尤得乎倘陛下以成命難收開採之使業已出京乞勅  
令楊榮前來與臣等撫按商議每歲解進程限而元奏張國  
臣等撤回免其開採此于邊計猶未甚失若以臣等謬言爲  
不足信則此舉輸于陛下者能有幾何其耗盡滇省之礦利  
者不可勝計必至上誤貢金下釀邊患兵困于無處之餉則



兵變夸爭于垂涎之利則夸變亡命之徒聚於中狂逞之夸發于外滇雲不免多事黔蜀必至騷然此時且必請內帑以靖邊疆而何有于一萬之入哉臣等職司封疆安危願陛下以國用邊計兩者權衡使歸于當也

本朝給事中宜良嚴煊重銅運以杜弊累疏

臣伏查滇省歲運京銅六百餘萬斤向由滇自委官員解運戶工二局嗣經雲南巡撫永

奏請分省遞運仰蒙

恩準施行在案本年二月復奉

上諭三省遞運一事勢屬難行着照部

議仍循舊定章程滇省委員徑送進

京以歸簡易欽此欽遵又在案臣竊以爲滇省運員之累有二其一在滇其一在京在滇者往往運銅多委虧空之員希圖當下扣其運費以補虧款夫州縣有虧原宜因時

題參而運費之應領於滇者不下六七千一經扣抵難以敷用此瀘州領銅時卽有賣銅之弊又不敷用復有沿途盜賣之弊也其不肖州縣或缺分本無虧空一聞委運之信卽將官項入囊裝點虧空明求藩司扣其運費而一路賣銅爲費者亦

滇繫 四之一

賦產

全



時有之種種積弊皆宜急除相應請

旨

勅下雲南巡撫於每歲派員解運時查其本任虧欠在一千兩以內者立即追完方準發給運費飭催起行數至一千兩以外者即行指名

題參另換他員解運至於滇省應領運費毋得絲毫扣抵庶運員長途有資各顧考成不至盜賣官銅自取罪戾至於在京之累則戶工兩局胥吏需索是也前年童煥曾破案之後奸胥稍知斂跡然法以防小人則防維不厭其密聞銅運抵大

通橋時運員即與戶工兩局書吏往來關說使費議定交賄後始能進局否則百般刁難必致兌收無日臣查江南道御史有稽查戶局之責陝西道御史有稽查工局之責每月到局監放餉錢應請嗣後於銅運抵大通橋時令大通橋監督報明江南陝西兩道酌限十日或十五日即令起運進局仍着戶工兩局知照江南陝西兩道統於十日內傳該運員眼同兌收以杜胥吏任意需索累月攔壓之弊至交收明白仍將有無虧短挂欠及會否依限兌收知照江南陝西兩道查核且恐兌收時胥吏等上下其手運員無可如何除戶工兩



部管理錢法堂侍郎不時到局查驗外應請照御史監放餉錢之例

飭令滿漢科道每月輪流一人監兌倘有上下其手得賄則以少報多無賄則以多報少一經查出立即

奏請將該書役等拿送刑部究辦庶胥吏等咸知警畏運員不受需索抑勒如運員有虧短銅斤過多者即將其虧短實數先行

奏

聞再聽戶部照例核參如此辦理不惟胥吏無所售其奸即運員

亦不敢盜賣短少似屬兩有裨益亦稍足以仰副我

皇上慎重銅運體恤運員之心於萬一矣

錢前也所以前民用也又全也非是則缺而不全也然置金于兩戈之旁其勢亦險矣太昊氏高陽氏謂之金有熊氏高辛氏謂之貨陶唐氏謂之泉商人齊人謂之布齊人莒人謂之刀金之品有三而其用也或以錢或以布或以刀或以龜貝太公立九府圜法輕重以銖黃金方寸重一斤布廣二尺二寸為幅長四丈為疋故貨寶於金利於刀流於泉布於布束於帛周理財之官甚多唯外府掌齎賜之出入泉府主買賣



之出入於錢幣之職爲最專景王鑄十二銖錢而國用匱楚  
莊改輕幣而民人怨大小失宜自周已不免秦鑄半兩漢病  
其重而改爲榆莢然高后二年所行之八銖卽半兩之遺制  
旣改八銖而廢榆莢然六年所行之五分卽榆莢之舊錢蓋  
錢制未定遷移有不能自主也文帝鑄四銖文重半兩至武  
帝建元元年改爲三銖五年復罷三銖而行半兩半兩者卽  
前四銖也與秦製不同有司以盜磨錢質而取鎔錢益輕薄  
乃消半兩更鑄三銖三銖輕而姦僞易作于是更請郡國鑄  
五銖周郭其質令不得消鎔而錢制遂定然猶以郡國不無

姦鑄故令京師鑄官赤仄一當五賦行之二年稍賤而民以  
巧法用之故卒不便而廢天子乃悉禁郡國鑄錢而專其事  
於三官自三官之錢旣行天下非此莫用向之郡國所鑄皆  
消爲銅以輸入於官而民間盜鑄私積之患漸息先是朝廷  
乏用造鹿幣與白金重其直以舒急及官鑄赤仄白金不貴  
民弗之寶唯元狩所鑄五銖其爲用甚廣其歷時最久迄孝  
平時已成二百八十億萬焉自是以後五銖之行益利於民  
有變其制而大之者王莽之十二銖陳宣帝之六銖東魏梁  
末之四柱兩柱孫權之一當千一當五百後周之五行大布



永通萬國唐肅宗之乾元重寶重輪乾元李後主之永通泉  
貨是也有變其制而小之者漢董卓晉沈充宋孝武之孝建  
二銖前廢帝之重鑄二銖與夫來子荇葉鵝眼縱環是也有  
變其制而能得輕重大小之中者唐高祖武德時之開通元  
寶千重六斤四兩者是也若夫不變五銖之制而遵用不移  
者則唯東漢之世祖西晉之諸帝北魏之孝文隋代之文帝  
前涼之張軌而已然王莽之作大錢契刀錯刀必與五銖並  
行謂之四品蜀先主造直百錢亦勒爲五銖後周宣帝鑄永  
通萬國錢必合五行大布及五銖並用謂之三品是變易五

銖之制者亦未嘗盡廢五銖而不使之兼用也漢桓帝欲改  
大錢以劉陶之言而止靈帝更鑄四出文錢而卒北後日之  
亂故行之及身而廢魏文改用絹帛至明帝又立五銖北齊  
高帝因孔覲請鑄五銖乃使諸州市銅惜身歿而志不遂陳  
宣帝改用六銖身後而復爲五由是觀之所謂不朽之良規  
者蓋卽五銖也夫事有異而同有同而異宋元嘉鑄四銖錢  
形製與古五銖一價百姓不資盜鑄無五銖之名而有五銖之  
實魏孝莊時所用五銖薄於榆莢迄北齊神武霸政之初猶  
沿永安之舊自是錢日細薄有五銖之名而無五銖之實然



則名字於實重如其文者其文宜之常平五銖乎而梁武帝所鑄肉好周郭則又名實俱混均此五銖之文也而或重四銖或重三銖或重五銖或重八銖或重三銖半或各曰女錢或各曰男錢或各曰稚錢或各曰對文錢凡錢之用有通塞有升降各隨其時以權之自唐顯慶之以一善錢售五惡錢也而惡錢之禁以弛自乾封之改鑄泉寶而不能久也而開通元寶以之再行自宋璟之請禁惡錢而不異也而二銖四參以之終廢夫行廢者豈錢之所自爲耶亦其時爲之是故肅宗之乾元重寶一當十者也至代宗而以一當二重輪乾

元一當五十者也至上元而減爲三十至代宗而一以當三且三日後而大小諸錢皆一以當一其始也人鑄銅爲錢以取贏改錢爲錢以獲利其卒也人銷錢爲銅以增直化錢爲器以使用貞元元年申消錢之禁至後唐天成而其弊難除十四年弛見錢出界之禁至天成而乃限五百以上宋時則出界皆置重罪故雖王安石之復亦只除於一時而不能止其禁於後者以與契丹鄰境恐錢出之資敵也晉天福二年鑄二銖四參之錢文以國號與唐之開通無別唐穆宗禁消錢造佛而周世宗則毀佛像以鑄錢事有不同利民之心則



一也唐憲宗以錢幣不充運用不便於是始制爲飛券鈔引以通商賈之厚齎貿易者其法蓋執券取錢非以券爲錢也自宋慶歷後局中始有交子建交以來東南始有會子交會既行天下直以楮爲錢矣大抵宋初諸錢或爲元寶或爲通寶人間有鐵鐵者悉以送官莫不以銅爲適用其後國帑漸匱雜用大小鐵錢鑄錢之官愈多而用愈不足加以交會之法既有行在會子又有川引淮交湖會各自印造而卒至收換不行稱提無策元時天下皆通用銀唯武宗嘗一鑄錢其外皆銀與鈔明初禁銀錢而專用鈔然而鈔卒不克行迄化

治以後糜爛殆盡而錢法之壞極矣鐵錢初起於公孫述至光武而罷繼起於梁普通中至陳而罷迄南唐時韓熙載鑄之李氏行之諸國相承用之始猶以銅鐵相權而行乾德以後只持鐵錢而已可貿易矣宋祥符後銅坑多不發天禧以降以鑄鐵爲急務張詠黃觀實董其役相與度其大小量其輕重而每歲所鑄蓋二十萬餘貫焉夾錫錢崇甯二年所作因二虜以中國鐵錢爲兵器惟雜以錫鉛則柔脆不可用而敵資於是乎寡錫錢起唐河東自元和四年河東節度王鐸置鑪距馬河水鑄錢以刺史李聽爲使於是月鑄錢三十萬



而河東之錫錢皆廢後太和八年錫錢復起以蔚州所鑄之錢歲不滿十萬緡也嗟乎錢之變至爲錫鐵九府之制大壞世變亦因以隨之而後周時河西諸郡又有用西域之錢者其錢乃以銀爲之與今粵地之錢同製然所行不廣自貨幣之興唯錢之行可久錢之用最利而貢禹桓元乃以爲不便於民而欲廢之五銖之行馬援孔覲任城王澄皆善其通易無滯而陳高諫之乃以爲不利於國而欲以三銖易之豈人之意見有不可強同者耶夫錢之置監著於隋盛於唐最衆者莫如宋摠計諸路所置共二十六監而銅居十七鐵居其

九夾錫之錢則附於鐵監焉宋鑄錢之劑八十兩可得一千三分其劑六爲銅而三爲鉛錫皆有奇贏凡錢輸官之數其號爲百者或八十或八十五而天下私用則有以七十爲百以四十八爲百且有以三十五爲百者錢愈雜而數愈淆是故論錢之重以千錢計之則齊十一斤以上隋文帝之四斤二兩唐六斤四兩宋五斤齊與隋乃同以五銖而分量不一夫太公立錢法以利後世由周以至兩漢由六朝以至唐宋沿革之制變通之用馬端臨考之甚詳而謂晉用魏五銖錢不聞有所更創則其敘晉事也稍失之疎按前涼太府參軍



索輔言於張軌曰晉太始中河西荒廢遂不用錢裂匹以爲段數縑布旣壞市易又難弊之甚也今中州雖亂此方安全宜復五銖以濟通變之會由此言推之則晉太始時中州皆用帛而不用錢馬氏於魏文之改用絹帛則特爲書之而此不詳何也鄭漁仲曰謂之泉者言其形謂之金者言其質謂之刀者言其器謂之貨謂之布者言其用古文錢字作泉者言其形如泉水一變而爲刀器再變而爲圜法圜法行而泉刀廢後人不曉其謂也古錢篆泉文後人代以錢字故泉之文借爲泉水之泉其實泉之篆文下體不從水也我國家

承明之後設局戶工二部而滇爲產銅之區雲南臨安大理霑益四處皆有鑄局其後罷舉不一近惟雲南東川二府委官監鑄省局統于藩臬兩司東川統于知府每千銅六鉛四約重七斤半立法之善實邁徃古乾隆五十六年間私鑄充斥每銀一兩易錢至十千文 純廟命福公康安來滇經理立將匪徒搜擒正法並設局收買小錢積弊始清大抵私鑄之弊必先清局私銅之弊必先清廠尤在奉行者有矚然之操確然之志度于錢法可無更變焉

倉儲之設爲救荒計者十五以脩非常之用者亦十五滇處



西南陬壤塊瘠薄歲出僅支口食而山僻小民尤多餐糞糶  
雜糧者鄂西林尹望山兩總制陳臨桂藩使經營籌畫所貯  
至五十餘萬石未及四十年盡化烏有間存者徒爲猾胥之  
壟斷兼充市獐之侵漁籌採買而富民獨受其殃議平糶而  
貧民不受其福夫滇之地素饒水泉滇之俗頗急周卹雖凶  
年饑歲道殣無聞惟爛于鹽疲于役乃又陷于倉一社長之  
累必至數百金而其所儲終鮮實際倘有不虞未審當事者  
復創何策也前之人以之便民今之人卽以之厲民常義無  
論矣嘗讀紫陽朱子建陽縣長灘社倉記云建陽之南里曰

招賢者三地接順昌甌甯之境其陔多阻而俗尤勁悍往歲  
兵亂之餘莠莠不盡去小遇饑饉輒復相挺羣起肆暴率不  
數歲一發雖尋卽夷滅無噍類然愿民良族晷刻之間已不  
勝其驚擾矣紹興其年歲適大稔姦民處處羣聚飲博嘯呼  
若將以踵前事者里中大怖里之名士魏君元履爲言于常  
平使者袁侯復一得米若干斛以貸于是物情大安姦計自  
折及秋將斂元履又爲請得築倉長灘廢置之旁以便輸者  
且爲後日凶荒之備毋數以煩有司自是歲小不登卽以告  
而發之如是數年三里之人始得飽食安居以免于震擾夷



滅之禍而公私遠近無不陰受其賜蓋元履少好學有大志  
自爲布衣而其所以及人者已如此蒙其惠者雖知其然而  
未必知其所以然也其後元履既沒官吏之職其事者不能  
勤勞恭恪如元履之爲于是粟腐于倉而民饑于室或將發  
之則上下請賕爲費已不貲矣官吏來往又不以時而出內  
之際陰欺顯奪無弊不有大抵人之所得糶糠居半而償以  
精鑿計其候伺亡失諸費往往有過倍者是以貸者病焉而  
良民凜凜于凶歲猶前日也淳熙十一年使者宋侯若水聞  
其事且知邑人宣教郎周君明仲之賢卽以元履之事移書

屬之且下本臺所被某年某月某日制書使得奉以從事蓋  
歲以夏貸而冬歛之且收其息什之二焉行之三年而三里  
之間人情復安如元履亡恙時什二之收歲以益廣周君旣  
以增葺其棟宇又將稍振其餘以漸及於旁近蓋其惠之所  
及且將日增月衍而未知其所極也周君以予嘗有力于此  
者來請文以爲記予與元履早同師門遊好甚篤旣追感其  
陳迹又嘉周君之能繼其事而終有成也乃不辭而爲之說  
如此則又念昔元履旣爲是役而予亦爲之于崇安其規模  
大略放元履獨歲貸收息爲小異元履常病予不當祖荆舒



聚斂之餘謀而予亦每憂元履之粟久儲速腐患既狹而將不久也講論餘日盃酒從容時以相訾警而訖不能以相詰聽者從旁抵掌觀笑而亦不能決其孰爲是非也及是宋侯周君乃卒同予所請事以成元履之志而其效果如此于是論者遂以予言爲得然不知元履之言雖疎而其忠厚懇惻之意藹然有三代王政之餘風豈予一時苟以便事之說所能及哉當時之爭蓋予之所以爲戲而後日之請所以必曰息有年數以免者則猶以不忘吾友之遺教也因并書之以視後人使于元履當日之心有以得之則于宋侯周君今日

之法有以守而不壞矣元履名揆之嘗以布衣召見天子悅其對即日除太學錄尋以數論事不得久居中既而天子思復召用則元履已卒上爲悵然久之詔有司特贈直秘閣云崇安縣社倉記云乾道戊子春夏之交建人大饑予居崇安之開耀鄉知縣事諸葛侯廷瑞以書來屬予及其鄉之耆艾左朝奉郎劉侯如愚曰民飢矣盍爲勸豪民發藏粟下其直以振之劉侯與予奉書從事里人方幸以不饑俄而盜發浦城距境不二十里人情大震藏粟亦且竭劉侯與予憂之不知所出則以書請于縣于府時敷文閣待制信安徐公嘉知



府事即日命有司以船粟六百斛泝溪以來劉侯與予率鄉  
人行四十里受之黃亭步下歸籍民口大小仰食者若干人  
以率受粟民得遂無飢亂以死無不悅喜歡呼聲動旁邑于  
是浦城之盜無復隨和而束手就擒矣及秋徐公奉祠以去  
而直敷文閣東陽王公准繼之是冬有年民願以粟償官貯  
里中民家將輦載以歸有司而王公曰歲有凶穢不可前料  
後或艱食得無復有前日之勞其留里中而上其籍于府劉  
侯與予既奉教及明年夏又請于府曰山谷細民無蓋藏之  
積新陳未接雖樂歲不免出倍稱之息貸食豪右而官粟積

于無用之地後將紅腐不復可食願自今以往歲一歛散既  
以紓民之急又得易新以藏俾願貸者出息什二又可以抑  
僥倖廣貯蓄即不欲者勿強歲或不幸小饑則弛半息大祲  
則盡蠲之于以惠活鰥寡塞禍亂源甚大惠也請著爲例王  
公報皆施行如章旣而王公又去直龍圖閣儀真沈公度繼  
之劉侯與予又請曰粟分貯于民家于守視出納不便請放  
古法爲社倉以貯之不過出捐一歲之息宜可辦沈公從之  
且命以錢六萬助其役于是得籍黃氏廢地而鳩工度材焉  
經始于七年五月而成于八月爲倉三亭一門牆守舍無一



不具司會計董工役者貢士劉復劉得輿里人劉瑞也既成而劉侯之官江西幕府予又請曰復與得輿皆有力于是倉而劉侯之子將仕郎琦嘗佐其父于此其族子右修職珩亦廉平有謀請得與并力府以予言悉具書禮請焉四人者遂皆就事方且相與講求倉之利病具爲條約會丞相清源公出鎮茲土入境問俗予與諸君因得具以所爲條約者迎白于公公以爲便則爲出教俾歸揭之楯間以示來者于是倉之庶事細大有程可久而不壞矣子惟成周之制縣都皆有委積以待凶荒而隋唐所謂社倉者亦近古之良法也今皆

廢矣獨常平義倉尙有古法之遺意然皆藏于州縣所恩不過市井游惰輩至于深山長谷力穡遠輸之民則雖飢餓至死而不能及也又其爲法太密使吏之避事畏法者視民之殍而不肯發往往全其封鐫遞相付授至或累數十年不一訾省一旦甚不獲已然後發之則已化爲浮埃聚壤而不可食矣夫以國家愛民之深其慮豈不及此然而未之有改者豈不以里社不能皆有可任之人欲一聽其所爲則懼其計私以害公欲謹其出入同于官府則鈎校靡密上下相遁其害又必有甚于前所云者是以難之而弗暇耳今幸數公相



繼其憂民慮遠之心皆出乎法令之外又皆不鄙吾人以爲不足任故吾人得以及是數年之間左提右挈上說下教遂能爲鄉閭立此無窮之計是豈吾力之獨能哉惟後之君子視其所遭之不易者如此無計私害公以取疑于上而上之人亦毋以小文拘之如數公之心焉則是倉之利夫豈止于一時其視而效之者亦將不止于一鄉而已也因書其本末如此刻之石以告後之君子云吾輩之有心世道者尚做其意以行之鄉先積穀二百石穀貴照市價賣出谷賤照市價買入不須博貴入賤出之名而其澤自溥每遇歲除確查農

民之無依者大口五斗小口三斗秋成時收本去利上廣朝廷子惠之恩下以助桑梓溫飽之計切無謂迂濶之說不關痛癢予其拭目俟之矣







